

ՀԱՅԿԱԿԱՆ ՀԱՐՑԻ ՊԱՏՄԱԳՐՈՒԹԻՒՆ

Հայկական հարցը հայոց պատմական ճակատագիրն է: Ծնունդ առնելով հայ ժողովրդի կազմաւորման հետ միաժամանակ՝ այն անցել է դարերի փորձութիւնների միջով եւ ճեւաւորուելով իբրև կուռ ուսմունք՝ դարձել հայ ազգային գաղափարախօսութեան հիմքը:

Իւրաքանչիւր ժողովրդի պատմութիւն.. ունի իր գերինդիրը: Պատմականօրէն ճեւաւորուած այս երեւոյթը բնականոն լուծում է ստանում այն պարագայում, երբ ժողովուրդն ապահովուած է իր գոյութեան պահպանութեան հօգոր միջոցով՝ պետականութեամբ, որը հնարաւորութիւն է տալիս լուծել ոչ միայն գերինդիրը, այլեւ բացառել մարդկային ու տարածքային կորուստները: Այդ պայմաններում համաչափորէն ճեւաւորուում եւ ամբողջանում է նաեւ պետականութեան հիմքը՝ ազգային գաղափարախօսութիւնը:

Այն ժողովուրդները, որոնք կրել են պատմութեան դաժան հարուածները, կորցրել են պետականութիւնը, զրկուել են նաեւ ազգային գերինդիրը լուծելու հնարաւորութիւնից: Այդ ժողովուրդներին բաժին է հասել գոյապահպանութեան դժուարին խնդրի լուծումը:

Հայ ժողովուրդը պատկանում է այդ ժողովուրդների թուին: Իր բազմադարեայ պատմութեան ընթացքում հայ ժողովուրդը ազգային գոյապահպանութեան համար պայքարել է մի քանի ճակատներով եւ անողոք ժամանակներում, ճնշման ու հալածանքների, կոտորածների ու գաղթի պայմաններում աւարտուն տեսքի բերել ազգային գաղափարախօսութիւնը:

Հայոց պատմութեան տարբեր ժամանակահատուածներում ճեւաւորուեցին ազգային գաղափարախօսութեան բաղկացուցիչ մասերը՝ Հայրենիք, ազգային ու պետական մտածողութիւն հասկացութիւնները, դրանց հանրագումար Հայկական հարցը, որը ազգային գաղափարախօսութեան հիմքն է:

Հայ պատմագիտութեան տարբեր սերունդների ներկայացուցիչներ են անդրադարձել Հայկական հարցին։ Մակայն, դըքախտաբար, հայ ժողովրդի հերոսական ոգորումների հանրագումար ինդիրը չի ենթարկուել գիտական խորը ուսումնասիրութեան, ինչը դարձել է հրամայական պահանջ, որովհետեւ անհրաժեշտութիւն է դառնում ազգային գաղափարախօսութեան բարձրակէտի՝ քաղաքական հայագիտութեան խոր ու բազմակողմանի մշակումը, որը ոչ միայն քաղաքական աշխարհաճանաչման, արտաքին քաղաքականութեան հիմքն է, այլև հայոց պետականութեան դիւանագիտական գործունէութեան մարտավարութեան ու ռազմավարութեան բանալին, մի հզօր գործոն, որը եթէ ոչ բացառում, ապա նուազեցնում է սխալուելու հաւանականութիւնը։

Հայկական հարց անուանումը թէեւ պատմական գրականութիւն մուտք գործեց 19-րդ դարի 70-ական թուականներին, բայց բովանդակութեամբ ու ինդիրներով սկիզբ է առնում Հայոց պատմութեան ակունքներից։

19-րդ դարի առաջին կէսին սկսուեց յոյն ժողովրդի ազատագրական պայքարը թուրքական բռնատիրութեան դէմ։ Եւրոպական տէրութիւնները 1822թ. Սրբազն դաշինքի Վերոնայում գումարուած կոնգրէսում քննութեան առան այդ հարցը, ծնունդ տալով «Արեւելեան հարց» հասկացութեանը, որի բաղկացուցիչ մասն էլ յետագյում դարձաւ Հայկական հարցը։

Հայ պատմագիտութեան տարբեր սերունդների ներկայացուցիչներ, հասարակական, քաղաքական գործիչներ անդրադարձել են Հայկական հարցի ծագման ուսումնասիրութեանը, ջանալով վերջնական տեսքի բերել հիմնահարցի սկզբունքային, առաջնային հիմնախնդիրը։

Վ. Շահրիմանեանը իր երկհատորանոց ուսումնասիրութեան առաջին հատորում Հայկական հարցը բնորոշում է այսպէս. «Պիտի հասկնանե՛ այն պաշտօնական հարցը, որ նախ՝ քաղաքական կերպարանն մը ստացաւ Օսմանեան Պետութեան եւ Հայ Ազգի մէջ սահմանափակուած, եւ յետոյ՝ միջազգային խնդիր մը դարձաւ՝ դաշնադրութեանց զօրութեամբ»¹։

¹ ՇԱՀՐԻՄԱՆԵԱՆ Վ., Հայկական խնդրի ծագումը, հ. Ա, կ. Պոլիս, 1912, էջ 9։

Աւել է, հեղինակը Հայկական հարցի ծագումը տեղակայում է 15-րդ դարում, իսկ միջազգայնացումը՝ 19-րդ դարում, անյայտ թողնելով թէ ո՞ր դաշնադրութիւնը նկատի ունի: Պէտք է կուածել, որ Վ. Շահրիմանեանը նկատի ունի 1878թ. Բեռլինի վեհաժողովը, որով Հայկական հարցը արժանացաւ միջազգային ճանաչման:

Բ. Իշխանեանը նոյնպէս Հայկական հարցի ծագումը կապում է 1878թ. հետ. «Նուտով կը լրանայ 30 տարին սկսած այն օրից (1878թ. Բեռլին կոնգրես), երբ Արեւելեան խնդրի մի հատուածը, «Հայկական Հարց» ասածդ, կնքուեց միջազգային դիւանագիտութեան աւագանում 61-րդ չարարաստիկ յօդուածով եւ սանկցիա ստացաւ մեծ պիտութիններից»: Շարունակելով իր մեկնաբանութիւնները, Բ. Իշխանեանը Հայկական հարցի մինչ 1878թ. անուանում է «պաշտօնական հովանաւորութեան» շրջան, յետքեռլինեանը՝ «միջազգային իրաւունքի» տարածման, երբ սկսուեց «անպտուդ յոյսերի, դատարկ խոստումների, աննպատակ ոգեւորութեան, վերամբարձ իլլիզիւների» տեւական շրջանը²:

Ամենայն հայոց բանաստեղծը՝ Յովհաննէս Թումանեանը անդրադառնալով Հայկական հարցի ծագմանն ու բովանդակութեանը, պատասխան է տալիս ժամանակակից ուսումնասիրողների այն կարծիքին, թէ իբր Հարցը գոյութիւն ունի «Բեռլինի դաշնադրութեան օրից»:

- Երեւակայեցէք թէ քան տարի է, ինչ ծանօթ էք մի նըշանաւոր մարդու, դրա համար էլ ձեզ համարում են քան տարեկան, մինչդեռ 50 կամ 60 տարեկան էք դուք:

Սրա նման մի քան է, որ սովորաբար ասում են 35 տարի է ինչ գոյութիւն ունի Հայկական հարցը, որովհետեւ 35 տարի է, որ դրուած է եւրոպական դիւանագիտութեան առջեւ եւ էդ էլ հաշում են Բեռլինի դաշնադրութեան օրից:

Մի հիմնական սխալ, որ մարդկանց մտածողութիւնը սահմանափակելով էս 35 տարուայ ժամանակի ու դեպքերի շրջանակում, պատճառ է դանում շատ սխալ ների:

Սակայն եթէ ազատուենք էդ մեծ սխալից, հարցին նայենք աւելի մեծ տարածութեան վրայ, հեշտ էլ կը նանաշնեք նը-

² ԻՇՊԱՆԵԱՆ Բ., «Տանկահայ խնդիրը եւ միջազգային դիպլոմատեան», Թիֆլիս, 1907, էջ 13-14, 32:

բա քնարորութիւնը, աւելի յաջող էլ կը մօտենանք նրա բանական ու քնական լուծման հնարաւորութեանը:

Եւրոպական դիւանագիտութեան համար, այս 35 տարի է, ինչ որ գոյութիւն ունի Հայկական հարցը, բայց մեզ համար էդ ին էդպէս չի, 35 տարի չի, ինչ որ գոյութիւն ունի նա:

Երկրորդն էլ մեր հարցը Բեռլինից չի սկսում եւ Եւրոպական պետութիւնները չեն դրել, այլ Սան-ստեֆանոյից է սկսում եւ ոռուսներն են առաջին անգամ Հայկական հարցը մտցրել միջազգային խնդիրների շարքը³: (*Ընդդժ.- Յովհ. Զատիկեան*)

Դէմ գնալով նման կարծիքներին, Յ. Թումանեանը սահմանում է նաեւ Հարցի ծագման, աւելի ճիշտ, միջազգայնացման ժամկէտը: Ապա անցնելով «նրա քնարորութեան» ճշգրտմանը, գրում է, «Հայկական հարցը շատ է ին: Իր ամրողութեամբ նրան մեզանում քչերն են ծանօթ ու տեղեակ»: Հին ու քաղաքական, անջատողականութեան գաղափարից հեռու, շատերին անձանօթ այդ հարցը, որին քաջածանօթ են Եւրոպայում, Ռուսաստանում ու Թուրքիայում, ի՞նչ «քնարորութիւն ունի» նա իր սկզբնական շրջանում զուտ քաղաքական խնդիր էր եւ հետամուտ էր ձեռք բերելու հայի կորցրած քաղաքական անկախութիւնը, «Բայց ժամանակի ընթացքում զախշախուեցին նըրա ուժերն ու յոյսերը ու իշնելով պարսկական ու տաճկական բռնակալութեան տակ պահանջը հասաւ մինհմումի: Եւ եօր նա հանդէս է գալիս արդէն լոկ որպէս քաղաքացիական ազատութեան խնդիր կեանքի, գոյքի, պատուի եւ կուլտուրական զարգացման պահանջ»⁴:

Ներկայացնելով Հայկական Հարցի զարգացման փուլերը, Յ. Թումանեանը, սակայն, դրանով չի սահմանափակում եւ փորձում է ճշգրտել Հարցի ծագման ժամանակը: Պատասխանելով իր իսկ առաջ քաշած՝ «...որտեղից եւ ո՞ր օրից գոյութիւն ունի հայկական հարցը» Հարցին, գրում է. «Են օրից, ինչ որ վտանգուել է հայ ժողովրդի կեանքը, գոյքը, պատիւն ու կուլտուրական զարգացումը», այսինքն՝ երբ հայը կորցրեց իր պետա-

³ ԹՈՒՄԱՆԵԱՆ Հ., ԵԼԺ, հ. 7, ԵՐԵՎԱՆ, 1995թ., էջ 8:

⁴ Նոյն տեղում:

կանութիւնը եւ կանգնեց վտանգներին դէմ յանդիման։ Դժբախտաբար մեծ բանաստեղծը չի նշում ժամանակահատուածը, սակայն ասուածը բաւական է, որ ստեղծուի ընդհանուր տրամադրութիւն Հարցի ծագման ժամանակաշրջանի առթիւ։

Սկսած 1898 թ., մինչեւ իր վախճանը, Հայկական հարցը դարձաւ ՀՅ Դաշնակցութեան հիմնադիրներից մէկի՝ Քրիստափոր Միքայէլեանի գործունէութեան հիմնական նպատակը։ Կատարելով կուսակցութեան երրորդ Ընդհանուր ժողովի որոշումը՝ մեծ նուիրեալը 1898թ. աշնանից իր գործունէութիւնը ծաւալեց Եւրոպայում, խմբագրեց «Դրօշակ» թերթը, նրա շուրջը համախմբեց հայրենի եւ օտար հայանպաստ բոլոր ուժերը՝ նպատակ ունենալով Եւրոպայում ճեւաւորել հասարակական կարծիք, որ նըպատելու էր Հայկական հարցի բարձրացմանը։

Բեռլինի կոնգրէսից յետոյ, յատկապէս 1880 թ., սուլթանն ուղիներ էր փնտրում Հայկական հարցը լուծելու համար, որով հետեւ կայսրութիւնում գոյութիւն ունեցող միակ հարցն էր, որն առաջ էր բերում Եւրոպական միջամտութիւն։ Այստեղից էլ՝ մի կողմից Եւրոպան, իր ոչ գործնական դիրքորոշմամբ, միւս կողմից էլ սուլթանական բռնատիրութիւնը՝ իր հայակուլ քաղաքականութեամբ, ստեղծում է «մի խոշոր դիմավա»՝ «կամ անպայման բնացնջում իրրեւ մի ամբողջութիւն, իրրեւ մի ազգութիւն, իրրեւ մի հայրենիքի տէր ժողովուրդ, կամ թէ դիմադրութիւն՝ կեանք, պատիւ, ստացուածք, տուն, հայրենիք, ամեն ինչ բռնարարող ուժի դէմ»⁵։ Միջին ճանապարհ չկայ, ոչ մշակութային ազդեցութիւնը, ոչ բարենորոգումները չեն ունենալու այն ազդեցութիւնը, որ ապահովեն հայութեան գոյութիւնը կամ մասնակի լուծում տան Հայկական հարցին։

61-րդ յօդուածն անուանելով «ժամանակակից Եւրոպայի նակատին իրեշատր դաւանանութեան յաւիտենական արատ», պատմական այդ անարդարութիւնը շտկելու միջոցը համարելով հայ յեղափոխութիւնը՝ Ք. Միքայէլեանը յոյս էր յայտնում, որ միայն հայ յեղափոխականն է ընդունակ «Պոլսից մինչեւ Վան, Ռուսաստանից մինչեւ Ամերիկա ցնցել հայութեանը բոլորի սրտին միևնույն զարկը հաղորդելով»⁶։

⁵ ՄԻԳԱՅԻԼԵԱՆ Գ., Ամբոխային տրամաբանութիւն, Ժնեւ, 1903, էջ 45։

⁶ Նոյն ստեղում։

19-րդ դարի երկրորդ կէսին բորբոքուած սուլթանական հայածանքները, արեւմտահայութեան տառապալից վիճակն իր վրայ էր բեւեռել հայ հասարակական-քաղաքական ողջ միտքը։ Տարբեր հայեացքների տէր գործիչներ իւրայատուկ լուծումներ էին տալիս Հայկական հարցին, ներկայացնում ազատագրութեան հասնելու ուղիներ, հիմնաւորում իրենց առաջադրած կողմնորոշումները։ Ա. Արփիարեանը (Հայկակ) ուսւական կողմնորոշումը դիտելով միակ փրկարար ուղին՝ Ռուսաստանի նկատմամբ վերաբերմունքից առանձնացնում էր ցարիզմի գաղութային, հայահալած քաղաքականութիւնը՝ բաժանման գիծ դնելով նրա եւ ոռու ժողովրդի միջեւ, որի համակրանքը շահելու համար առաջարկում էր «ամէն միջոցի գործ դնում»⁷:

Դէմ դուրս գալով պոլսահայ քսակատէրերի ու պետական պաշտօնեաների այն մտայնութեանը, թէ Հայկական հարցի, Հայստանի ազատագրութեան յոյսերը պէտք է կապել Անդլիայի հետ՝ Ա. Արփիարեանը գրում էր. «Անգլիոյ պաշտպանութեամբ եւ թիւրքաց ձեռքով բարեկարգութիւն յուսալը մի ստորև է»⁸:

Հայկական հարցի լուծումը քննելով տէրութիւնների տնտեսական ու քաղաքական նկատառումների հայեցակէտից՝ Ա. Արփիարեանը յանգում է այն եզրակացութեանը, որ «մենք աւելի յոյս ունենք Ռուսիայի, քան թէ այլ տէրութեան պաշտպանութեան վրայ»⁹:

Ժամանակաշրջանի գործիչներից առանձնանում էր Յ. Սուաճեանը:

Հայկական հարցի, հայրենիքի ազատագրութեան հզօր գործօն ճանաչելով միաբանութիւնը, Յ. Սուաճեանը երազում էր այն օրը, երբ հայութեան երկու հատուածները եթէ ոչ քաղաքականապէս, ապա հոգեկան մերձեցման կը հասնեն, երբ «օր մը աշխարհ տեսնէ, թէ հայ ազգ մը կայ, որ թէեւ ցրուած ու աստանդական, այլ մի բարոյապէս ու անբաժանելի»¹⁰:

Մեծ վիպասան Ռաֆֆին հայ ժողովրդի ազատագրութիւնը, Հայկական հարցի լուծումը կապում էր զինուած պայքարի հետ:

⁷ ՍՏԵՓԱՆԵԱՆ Գ., Արփիարեան Արփիար, Երեւան, 1955, էջ 64:

⁸ Նոյն տեղում, թիւ 42:

⁹ Նոյն տեղում:

¹⁰ ՍՊԻԱՃԵԱՆ Յ., Հրապարակախօսութիւն, Երեւան, 1960, էջ 140.

Հայերը, գրում էր Ռաֆֆին. «սլաւոնական ցեղերի նման պէտք է զէնք առնեն» եւ «պատերազմի դաշտում վճռեն իրենց հակատագիրը, իսկ եթէ ընդունակ չեն այդ ամելու, ուրեմն կը շարունակեն իրեն ոչինչ չտուող աղերսանեների քաղաքականութիւնը, գրաւոր արտայայտելով իրենց բռղոքը, այդպէս պաշտպանելով «իրենց իրաւոնեները մարդկութեան առաջ»։ Այդ նպատակի իրագործման համար անհրաժեշտ է դաստիարակել «ասպարէզ դուրս եկող հերոսներ», հեռատես ու քաղաքագիտ առաջնորդներ, յոյսերը կտրել լոնդոնից ու «Մոսկվից», յենուել սեփական ուժերի վրայ. Քննադատելով արեւմտահայ հոգեւոր ու աշխարհիկ գործիչներին, նրանց անմիաբանութիւնը, նրանց դեսպանների ու սուլթանի փէշապահութեամբ զբաղուելը, վիպասանը բոլոր ուժերին կոչում է միասնութեան, ազգային կենտրոնի ստեղծման, որն ընդունակ կը լինի բուժել ժողովրդի վէրքերը։

Ազատագրութեան, Հայկական հարցի լուծումը կապելով ժողովրդական լայն զանգուածների զինուած պայքարի հետ՝ Ռաֆֆին յիշեցնում էր, որ Հայութեան սրտում երբեք չի մարում «հայրենասիրութեան կայծը, բաւական է փշել նրա վրայ եւ ահա նա կը բորբոքուի կը բոցավառուի»¹¹։

Յ. Պարոնեանը խորհրդածելով դիւանագիտական խաղերի, Բեռլինի կոնգրէսի, Անդլիայի դաւադիր քաղաքականութեան ասպետ լորդերի դիրքորոշման մասին, ժողովրդին յայտնելով ճշշմարտութիւնը, միաժամանակ զգուշացնում էր, որ նրանց գործունէութեան հիմքում ընկած է ոչ թէ այս կամ այն ժողովուրդի իրաւունքի պաշտպանութիւնը, այլ շահը, խաբէութիւնը, դաշը. Կծու ծաղրանքի ենթարկելով Գլադիուսնի երկերեսանի գործելակերպը՝ երգիծաբանը գրում էր.

-Աստուածդ սիրես, շիտակ զրուցէ, պարոն Կլատսրոն, սա պուլղարաց վրայ հրատարակած տետրակից քանի¹² հազար ոսկի վաստակեցար», ապա յայտնելով, որ Գլադիուսնը յունական ազատագրական շարժման մասին եւս մտադրութիւն ունի «տետրակ» տպագրել՝ խորհուրդ է տալիս մի գրքոյկ էլ գրել՝ հայերի մասին, որի նիւթերը պարտաւորում էր ինքը ուղարկել։

¹¹ ՐԱՖՖԻ. ԵԺ. 4.6. ԵՐԵՎԱՆ, 1956, էջ 136.

¹² ՊԱՐՈՆԵԱՆ Յ., ԵԺ. 4. 4. ԵՐԵՎԱՆ, 1965, էջ 104.

Անարդանքի սիւնին գամելով Եւրոպական տէրութիւնների արեւելեան քաղաքականութիւնը՝ թ. Պարոննեանն այն միտքն էր տարածում, որ նրանց օգնութեամբ երբեք չի լուծուի Հայկական հարցը: Ո՛չ Եւրոպան կը ստիպի Թուրքիային իրագործել բարենորոգումները, ո՛չ էլ այդ ուղղութեամբ սուլթանը որեւէ քայլ կը ձեռնարկի: Եւրոպայի թղթէ արշաւները նկատի ունէր երգիծաբանը, երբ գրում էր. «Ես ալ այսօր որոշումս տուի Հայաստանի նկատմամբ: Ինքնօրինութիւն տուի Հայաստանին: Գնա՞ան, եթէ կարող ես»¹³: Այսինքն՝ որոշումները թուղթ զբաղեցնելու համար են, ոչ թէ պարտաւորութիւն Թուրքիայի համար: Որոշումները տէրութիւնների «անհանգստութեան» արտայայտութիւններն են, որ Եւրոպան արեւելեան ոչ մի ժողովրդի, այդ թւում նաեւ հայ ժողովրդին, երբեք առանց արեան փոխհատուցման ազատութիւն եւ անկախութիւն չի բաշխի:

Ազգին ազատագրութեան ոգով կրթելու հարցերն անհանգստացնում էին նաեւ Ղ. Աղայեանին: Այդ գործում նա կարեւոր դեր էր յատկացնում նաեւ մամուլին: Բայց, դժբախտաբար, արձանագրում էր Ղ. Աղայեանը, նրանցից շատերը արտայայտում են միայն այս կամ այն տեսակէտները, պայքարում են միմեանց դէմ, մոռանալով, որ գլխաւոր խնդիրը ազգի արթնացումն է¹⁴:

Հայկական հարցի լուծման, արեւմտահայութեան ազատագրութեան Պատկանեանական գաղափարներն իրենց վճռորոշ դերն ունէին ինչպէս ժամանակակից, այնպէս էլ ապագայ գործիչների ուազմակարութեան ձեւաւորման վրայ:

Թ. Պատկանեանին 1875թ. նոյեմբերի 10-ին գրուած նամակում Ռ. Պատկանեանը յայտնում էր ազգի փրկութեան ուրիշ, «իսկապէս փրկաւէտ, ժողովրդական» ճանապարհի մասին: Դէմ դուրս գալով տարածուած այն գաղափարին, թէ ազգի միակ փրկութիւնը կրթութիւնն է, բանաստեղծը գրում էր. «Միթէ՞ Գարիքալինին նախ կրթեց իւր աւազականման զինուորներին եւ ապա ազատնեց ազգը»¹⁵:

¹³ Նոյն տեղում, էջ 388:

¹⁴ ԱՂԱՅԵԱՆ Ղ., Մի երես մեր նորագոյն պատմութիւնից, Մոսկովա, 1891,

էջ 4:

¹⁵ ՊԱՏԿԱՆԵԱՆ Ռ., Երկեր, հ. 6, Երեւան, 1970, էջ 436.

Ազգի փրկութեան հիմնական նախապայման ընդունելով ազգային ինքնագիտակցութեան բարձրացումը, ազգային զարթօնքը, Ռ. Պատկանեանը ցաւով նշում էր, որ «հայերու մէջ դեռեւս ազգային խնդիրը կենդանութիւն ստացած չէ, նա միայն մի բանի ազնիւ մարդոց սրտերում մէջ միայն խլրում է»¹⁶:

Ռ. Պատկանեանը մի առանձին կրքոտութեամբ էր խարազանում Եւրոպայի հետ յոյսեր կապողներին: Ցիշեցնելով Եւրոպայի բազում ապերախտութիւնները՝ բանաստեղծը այն հաստատ համոզմունքն էր յայտնում, որ ազգային գերիխնդիրը՝ Հայկական հարցի լուծումը, իրականացնելու է ինքը՝ ժողովուրդը, եւ «Դարբնի երգը» բանաստեղծութիւնով խոփը սրով փոխարինելու կոչ անելով՝ ազատագրական մարտերի էր հրաւիրում լայն զանգուածներին¹⁷:

Ժամանակաշրջանի մասին ամբողջական պատկերացումները, ազատութեան հասած ժողովուրդների պայքարի ձեւերի քաջիմացութիւնը Մ. Նալբանդեանին դարձրեցին հայ ազատագրական պայքարի ծրագրաւորողն ու ազատութեան լուսաբացը կանխատեսողը:

- Աստուած ինձ զրկելով ամէն արժանաւորութիւնից՝ տուել է մի կրաւոր զգացմունք սեր հայրենեաց, որ այնպէս է միացել իմ եռութեան հետ, որ մի օր չի մտածել հայի օգտին, մի օր չի ցաւել նորա թշուառութեանը, մի օր չի մտածել նորա ապագայի վերայ, ինձ համար մահ է...ինչեր չէր բերել զոհ նորա համար¹⁸:

Հայոց հոգեկան միասնութեան գոյացման հիմնական նախապայմաններից մէկը համարելով լեզուն, նրա հարթեցումը՝ Մ. Նալբանդեանը գտնում էր, որ հայութեան երկու հատուածներին հարազատ դարձնելու գործընթացը պէտք է սկսել «Ադամայ լեզու» անուանուող գրաբարի մաքրումից:

Մ. Նալբանդեանը յաջորդ հոգսն ազգային միաբանութեան ստեղծումն էր, որի պատճառով հայ ժողովուրդը դուրս է մնում «մարդկութեան պատմագրի տախտակներից», զրկում պատմական բնաւորութիւնից, ազգային գիտակցութեան գաղափարից:

¹⁶ Նոյն տեղում, էջ 455.

¹⁷ ՊԱՏԿԱՆԵԱՆ Ռ., Եֆ., 4. 1, Երեւան, 1963, էջ 113:

¹⁸ ՆԱԼԲԱՆԴԵԱՆ Մ., Երկեր, 4. 2, Երեւան, 1948, էջ 264.

Վեր հանելով համազգային հոգեբանութեան վերափոխման խնդիրը, Մ. Նալբանդեանը քննադատական խօսքեր էր ուղղում բոլոր նրանց, ովքեր հպարտանում են անցեալի դափնիներով։ Իսկ ներկան զաւեշտալի է։ Հայութիւնը կորցրել է պայքարի ոգին եւ Արարատից մինչեւ Տաւրոս լսում են միայն հեկեկոցի ձայներ։

Ազատագրութեան հասնելու միակ ճանապարհը, ուսուցանում էր Մ. Նալբանդեանը, համընդհանուր զինուած պայքարն է։ «Յառաջ...այնուել միայն կարող էք հանդիպել մեր ազգի կենսայորդ եւ որոտընդոստ յարութեան»¹⁹։

Մ. Նալբանդեանի ազատագրական գաղափարախօսութիւնն իր շուրջը համախմբեց հայութեան երկու հատուածների առաջադիմ քաղաքական գործիչներին, որոնք խորհրդանիշ ընդունելով հրապարակախօսի մտածողութիւնը, սկսած 1862թ. Զէյթունի հերոսամարտից, դարձան ժողովրդին ազատագրութեան ճանապարհ դուրս բերող անձնազո՞հ առաջնորդները։

Հայ ազատագրական շարժման ու նրա գաղափարախօսների շարքում իր ուրոյն տեղն ունի հայոց ցաւերի կենդանի վկայ Մ. Խրիմեանը։ Կանգնած լինելով արեւմտահայ ազատագրական շարժման ակունքների մօտ՝ Մ. Խրիմեանը, կապուած տէրութիւնների ու սուլթանի խոստումների հետ, թէեւ ունեցել է տարակարծութիւնների ու ոգեւորութիւնների շրջան, բայց Հայկական հարցի նկատմամբ պատնշչաւորուած սրտերի հետ առաջին իսկ հանդիպումներից յետոյ յանգեց այն եզրակացութեանը, որ բոլոր խոստումներն ու բարենորոգումների հրահանգներն ունեն նոյն անտարբերութեան ոգին եւ ծառայում են մէկ նպատակի՝ սեփական շահի պաշտպանութեանը։

Բեռլինի կոնգրէսը նոր շրջադարձային փուլ հանդիսացաւ Մ. Խրիմեանի համար։ Դէպի գաւառ, դէպի հայութեան բնօրրանը։ Գաւառում է լուծուելու Հայկական հարցը եւ ոչ թէ Պոլսի դիւանագիտական շրջանակներում, կամ Բեռլինում։ Եւրոպայից Մ. Խրիմեանը բերեց երկաթի փիլիսոփայութիւնը, պայքարի յանդուգն ոգին, ազատագրութեան փարոս դրեց Վարագայ վանդակին, Արքանի ու Նեմրութի, Արարատի ձիւնածածկ գագաթներին եւ գաւազանը ձեռքին Պոլսից մինչեւ Վան, իջմիածին, յորդորներ ու կանչեր յղեց, ազատագրութեան նոր ոգորումների կոչեց

¹⁹ Նոյն տեղում, էջ 41։

ընչազուրկ ու շղթայակապ իր ժողովրդին։ Ահա այդպէս նա վաստակեց Հայոց պատմութեան 19-րդ դարի եղիշէ անունը։

Արեւմտահայութեան ծանր կացութիւնը փրկութեան ուղիներ էր պահանջում։ Արեւելահայ իրականութիւնը ծնում էր գործիչներ, որոնք «քուրքահայոց դատը» դարձնելով գործունկութեան ուղենիշ, ազատագրութեան դժուարին ճանապարհ էին գալիս՝ անձնազոհութեանը զուգորդելով ժամանակահատուածի պահանջների վերլուծութիւնը, յանգելով պայքարի նոր գաղափարախօսութեան։ Այդ ընդհանուր տեսադաշտում 70-ական թուականներից ասպարէզ եկաւ Գ. Արծրունին, որը «Մշակը» վերածեց համահայկական ամբոնի եւ փայփայանքներով բարձրացնում էր այն դրօշը, որի շուրջը պէտք է համախմբուէին ազգի փրկութեանը զինուորագրուած բոլոր ուժերը։

-Սշխարիը կը յարգէ հայերին միայն այն ժամանակ, երբ ամենքը կը տեսնեն ոք հայը իր կեանի գնով պաշտպանում է իր անձը, իր պատիւը, իր ազգի իրաւունքները,- գրում էր Գ. Արծրունին եւ վերլուծելով այն կացութիւնը, որի մէջ յայտնուել է արեւմտահայութիւնը, փրկութեան ուղիներ առաջադրում, որտեղ, սկզբնական շրջանում, առաւելութիւնը տրւում էր ոռւսական ազգեցութեանը, նրա օգնութեանը։ Ռուսաստանին վերադրելով հայութեանը «հինգ վեց դար» տեւած քնից արթնացնելու գործընթացը, այնուամենայնիւ, զգալով այդ ազգեցութեան հետեւանքները, Արծրունին «օդային մի ամրոցի» էր նմանեցնում ոռւսական օգնութիւնը, որից հայերը ոչինչ չեն ստացել, միմիայն ոգեւորութիւն։ Դանդաղ, բայց հաստատուն ձեւաւորում էր Գ. Արծրունու այն գաղափարը, որ անհրաժեշտ է հայի մէջ արթնացնել սեփական ուժերի նկատմամբ վստահութիւնը, նախապատրաստուել ահեղ մարտերի՝ «Այժմ կամ երբեք», ապա՝ «...տունը քանդում է, ընկնելու, աւերակ դառնալու, փուլ գալու վրայ է, շուտով դուրս եկեք այնտեղից, երկաթը ձեռին քանդեցէք նրա ծոած, սպանող պատերը, եթէ ոչ, ամենքդ էլ նրա աւերակների տակը կը մնաք»²⁰։

Փոխաբերական իմաստով գրուած յօդուածում Գ. Արծրունին բարձրացնում էր ապստամբութեան գաղափարը եւ օրինակը բերելով բալկանեան սլաւոններին, յուսալով, որ սկսուելիք պա-

²⁰ Մշակ, 1876, թիւ 27։

տերազմում ռուսական յաղթանակը՝ ազատութիւն կը բերի նաեւ հայութեանը:

Պատերազմն աւարտուեց, թեուինի վեհաժողովը զգալի փոփոխութիւններ առաջ բերեց հայ հասարակական հոսանքների դիրքորոշումներում, բարձրացաւ ազգային ինքնազիտակցութիւնը, հայ քաղաքական միտքը վերջապէս յանգում էր այն տեսութեանը, որ դիւանազիտական շրջապտոյտները Հայրենիքի փրկութեան ուղին չէ: Յուսախաբութիւնն ակնյայտ էր: Հայ քաղաքական միտքը յանկարծակի եկաւ: Ռուսաստանին փարուղների նման, Գ. Արծրունին եւս ընկաւ տարակարծութեան մէջ եւ 61-րդ յօդուածը, ինչպէս վկայում է Յ. Նշկեանն իր յուշերում «կը նմանեցնէր խաղալիքի կամ անուշեղենի մը, որ կու տան երեխայի մը լացը կտրելու ու հանգստացնելու համար դիւնագիտական աշխարհի մէջ մենք երեխայ ենք տակաւին, որովհետեւ հասուն հասակի կորովն ու գործը չենք ցոյց տուած, նախ պէտք է հասունանանք, մեծանանք ու մարդ դառնանք, այն ատեն Եւրոպան մեզ չի կարող խարել այդ խաղալիքներով», առաջ քաշելով «երկարէ կամք ունեցող» առաջնորդների, նոր սերունդ դաստիարակելու հարցերը, Գ. Արծրունին գտնում էր, որ Հայկական հարցի լուծումը մէկ օրուայ ինդիր չէ, այլ տասնամեակների՝ «յիսուն տարին մի անեղան ժամանակամիջոց է, այդ տունկը շատ ուշ է անում (խօսքը ազատարական նոր սերնդի մասին է - Հ.Զ.), շատ աշխատութիւն ու խնամք է պահանջում, շատ ուշ էլ պտուղ է տալիս, մենք տնեկում ենք, ուրիշները անեցնում են, ուրիշներն էլ պտուղ քերելն են տեսնում եւ ուրիշներ պտուղները վայելում. մեր գլխաւոր գործը պէտք է լինի այն, որ կարող լինենք մի սերունդ առաջ քերել, որ ընդունակ լինի այդ սերմը անեցնել, ոչ թէ փչացնել»²¹:

1867թ. կրելով վարդապետի վեղարը, երկու անդամ շրջագայելով Արեւմտեան Հայաստանում Գ. Մրուանձտեանցն իր աշքով տեսաւ ստրկացուած հայրենակիցներին եւ ուղիներ էր փնտրում նրանց այդ վիճակից դուրս բերելու, ազգային ու մարդկային գիտակցութիւնն արժնացնելու: Այդ մտահոգութիւնների հանրագումարները դարձան «Մշեցուց վրայ ընդհանուր տեսութիւն մը» ընդարձակ յօդուածաշարը, «Թորոս Ադրար»,

²¹ Նշկեան Յ., Առաջին կայձերը, «Պատրիա» տպարան, 1930, էջ 57:

«Գրոց ու բրոց», «Հնոց եւ նորոց», «Համով - հոտով» ստեղծագործութիւնները, «Սասունցի Դափիք» էպոսի առաջին տարբերակը, գաւառահայութեան վիճակին նուիրուած բազմաթիւ յօդուածներ: Մօտիկից դիտարկելով գաւառահայութեան վիճակը՝ Գ. Սրուանձտեանցը եկաւ այն եզրակացութեան, որ թուրքական զագրելի իրականութիւնը հայ ժողովրդին զրկել է ազգային գիտակցութիւնից, ինքնապաշտպանական բնազդից, վերածելով համբերատար հարստահարուղի:

Վերապրելով 1862թ. Զէլթունի հերոսական ապստամբութեան պարգեւած ոգեւորութիւնը, հայրենասէր գործիչն իր ժողովրդին կոչում էր պայքարի՝ «...զարկ ու զարկուիր, ինկար՝ վեր կանգնիր, անշուշտ կը յաղթես, մեռնիս էլ կը յաղթես, վերջապէս կը յաղթես»²²:

Հայկական հարցի լուծման ուղղութեամբ գաղափարները ոչ միայն միատարր չէին, այլև կային գործիչներ, որոնք նախապատուութիւնը տալիս էին Արեւմուտքին, այս կամ այն եւրոպական պետութեանը: Անգլիային փարուելու կողմնակիցների մէջ փայլում էր «Նոր Դարի» տնօրին Ս. Սպանդարեանը: Համբգելով, թէ «Անգլիայից հայ ազգութեանը երբեք վտանգ չի կարող սպառնալ», խմբագրապետը մեղադրանքներ էր բարդում այն գործիչների վրայ, որոնք թերահաւատութիւն ունէին 61-րդ յօդուածի նկատմամբ: «Միթէ՞ վատ է, որ հայերը կոլեկտիւ հռվանաւորութիւն են վայելում», զարմացած գրում էր Ս. Սպանդարեանը²³:

Հայ ժողովրդին կոչելով խոհեմութեան ու համբերութեան՝ Ս. Սպանդարեանը խորհուրդ էր տալիս թուրքական տիրապետութիւնը չփոխարինել ուսւականով՝ «Եզան լուծը հանելով՝ ձիու խամութը չհագնեն», ապա՝ «ազգի կենսական շահերը պահանջում են, որ թուրքահայերը հաւատարիմ լինեն օսմանեան պետութեան», որովհետեւ կայսրութեան սպասուելիք բարգաւաճումը լաւագոյն պայմաններ կը ստեղծի արեւմտահայութեան համար, իսկ եթէ կործանուի կայսրութիւնը, այն աղէտաբեր կը լինի թուրքահայերի համար եւ նրանք կ'անհետանան «աշխարհիս երեսից»²⁴:

²² «Արծիւ Վասպուրականի», 1862/63, թիւ 1, էջ 9:

²³ «Նոր Դար», 1881, թիւ 182, 1884, թիւ 39:

²⁴ Նոյն տեղում, թիւ 131, 1888, թիւ 17:

Հայկական հարցի լուծումը իւրայատուկ մեկնաբանութիւնների էր արժանանում միդհատեան խմբակցութեան անդամ Գ. Օտեանի կողմից: Սուլթանական բիրո քաղաքականութեանը հակադրելով Ազգային սահմանադրութիւնը, Գ. Օտեանը յոյսով էր, որ այն լուրջ տեղաշարժեր կ'առաջացնի արեւմտահայութեան կեանքում, յատկապէս տնտեսական բնագաւառում: Ազտագրութեան կարեւոր լծակ համարելով ազդի տնտեսական ու բարոյական բարդաւաճումը, օսմանեան սահմանադրութեան համահղինակը ապապրում էր սպասել մինչեւ այն պահը, երբ հայութիւնը հնարաւորութիւն կ'ունենայ շարժելու իր մարմնի բոլոր մասերը: Քաջատեղեակ լինելով իրականացուող քաղաքականութեանը, Գ. Օտեանը տարածելով այդ միտքը, փաստօրէն փորձում էր պահպանել առկայ վիճակը եւ մանրակրկիս վերլուծութիւններից ու նախապատրաստութիւնից յետոյ միայն, երբ արեւմտահայութիւնը սերտած կը լինի նաեւ դիւանագիտական դարձուածքների լեզուն, ծնել ու դաստիարակել նուիրուած առաջնորդներ ու նոր միայն սկսել ազատագրական պայքարը. «ստրկացած եւ գրեթէ անհոգի ժողովուրդ մը կենդանացնելը գերբնական կարողութեամբ օժտուած անձերու կը կարօտի, բայց պէտք է խորիիք թէ ազգի մը փրկութեան գործը դիւրաւ եւ այսօրուան վաղուան մէջ կատարուելիք գործ չէ»²⁵:

Գ. Օտեանի գաղափարաբանութիւնը յանգում էր երկարատեւ նախապատրաստութեան, կուռ կազմակերպուածութեան ստեղծման, եւրոպական տէրութիւնների համակրանքն ու պաշտպանութիւնը ապահովելու գաղափարին:

Արեւմտահայութեան ինքնաճանաչման, ինքնագիտակցութեան բարձրացումը ազատագրական շարժման ընդհանուր գործի բաղկացուցիչ մասն էր, նրա հիմքը:

Այդ գործընթացը ցանկալի աւարտին հասցնելու համար անհրաժեշտ էր ի մի բերել ազդի ողջ ընդունակութիւնը, նրա ցրուած ու անվտահ ուժը, վերջ տալ խառնաշփոթ այն վիճակին, երբ ժողովրդի լայն զանգուածները հեռու էին մնում ազգային ընդհանրութեան հասնելու գաղափարից: Երկարատեւ եւ տքնածան աշխատանք պահանջող մի գործընթաց, որը ժամանակի պահանջն էր:

²⁵ ՆՇԿԵԱՆ Յ., նշուած գիրքը, էջ 90-91.

ինչպէս նկատում է Ա. Զօպանեանը, Թուրքիայում աճող եւրոպական ազդեցութիւնը «հայ գանգուածին վրայ ալ առաջ բերած էր ցնցում մը»: Բայց այդ ցնցումը խորն ու բազմակողմանի չէր, որովհետեւ այն կրող ժողովուրդն անպատրաստ էր նման իրողութեանը:

- Պէտք էր, որ «ճշմարտապէս եւրոպացած» խումբ մը հայեր գային եւ գիտակից գործունեութեամբ մը լուային հայ հոգին իր բազմամեայ թանձրակուտակ աղէտին, արքնացնեին եւ զայն կարող դարձնեին արեւմտեան քաղաքակրթութեանը լրջօրէն իւրացնելու, վերականգնեին հայկական բարոյականը՝ բանի մը առողջ ազնիւ ու ամուր սկզբունքներուն ներարկումով²⁶:

Գրականագէտը, ինչպէս տեսնում ենք, հայ կեանքի արթնացման համար պահանջ էր դնում բարոյական վերականգնման, այսինքն՝ հոգեկան պատրաստակամութեան բարձրացման, որի վրայ յենուելու էր ազատագրական միտքը, նրան անդամագրուելու, նրա իրականացման համար պայքարելու «գրգիռը»:

Հայ տկարամիտ գործիչների անարիւն գործունէութեան դէմ իր մեղադրողի ձայնն էր բարձրացնում արեւմտահայութեան ոգու եւ ապագայի հարցերով տառապող Ծերենցը՝ գրելով, թէ 40 տարի շարունակ հայ ժողովուրդը լսում է «ազատական խոստունեցներ» թանգիմաթների, սահմանադրութեան, 16 եւ 61-րդ յօդուածների կերպարանքով, բայց իրականում ոչինչ չի փոխւում:

Ահա այստեղ էր, որ ձեւանալով կոյր «շատ եւ շատ եռանդուն եւ սայրասուր գրիչներ կը զինուին համոզելու հայ տկարամտութեանը՝ յուսալու եւ հաւատալու, թէ ամէն բան վաստակուած է եւ ապահովուած թեոլինի դաշնագրէ, եւ միայն հայուն կը մնայ հասուն պտուղը քաղելու համար ձեռքը երկարացնել»²⁷:

Անարգանքի նշաւակ դարձնելով ազգի անհեռատես եւ սուս խոստումներով ոգեւորուած գործիչներին, նրանց, ովքեր այդքան դառն ու արիւնալի փորձներից յետոյ էլ պաշտպանու-

²⁶ ԶՈՊԱՆԵԱՆ Ա., Պէշիկրաշլեան Մ., Փարիզ, 1807, էջ 9:

²⁷ ԾԵՐԵՆՑ, Ժամանակի ոգին եւ հայ ապագան, տես՝ «Փորձ», 1879, թիւ 1, էջ 206:

թիւն եւ օգնութիւն էին ակնկալում Եւրոպայից, յատկապէս Անգլիայից, Ծերենցը յիշեցնում էր. «...տեսէ՞ ով է նրա դեսպանն ի Պոլիս, Մ. Լեյարդ, մարդ, որ սրտովն ու հոգուով քուրք է, քանի զամբն քուրք»²⁸:

Արդ, ինչ սպասելիքների մասին կարող է խօսք լինել, երբ Ռուսաստանն ու Անգլիան սրարջաւ իրար են հանդիպում Հայաստանում եւ հայութեանը տրորում, ձգտում արմատահան առնել: Բայց Ծերենցը չի կորցնում յոյսը, հայ ժողովրդին նմանեցնելով թզենու՝ յայտնում, որ նրանց քաղաքականութիւնը չի տայ սպասուած արդիւնքը:

Ուրիշ խօսքով, Ծերենցը այն յոյսն էր փայփայում, որ եւրոպական դիւանագիտութեանը չի յաջողուի սպասրէզից հեռացնել մի ժողովրդի, որն ընդունակ է ազատութեան ծիլեր արձակել անգամ այն ճնշիչ վիճակում էլ, որը ստեղծուել է Ռուսաստանի ու Անգլիայի գաւաճանական քաղաքականութեան պատճառով:

Հակամարտութիւնների կիզակէտ տարածաշրջանում վարուող այդ քաղաքականութիւնը նկատի ունէր Գ. Զոհրապը, երբ գրում էր. «...կասկածելի չէ, որ Ֆրանսիա, Գերմանիա եւ Մեծ Բրիտանիա անկեղծօրէն կը փափաքին բարենորոգումներ Թրքահայաստանի մէջ. բայց Գերմանիա եւ Անգլիա կը վախնան որ բարենորոգումները աւելի տարածեն Ռուսական ազդեցութիւնը այս շրջանին մէջ»²⁹:

Տալով Հայկական հարցի պատմական անցեալը, բնակչութեան տնտեսական, մշակութային կացութիւնը, պարզաբանելով, թէ ինչու թուրքական կառավարութիւնը չի ցանկանում իրականացնել բարենորոգումները, Գ. Զոհրապն այնուհետեւ փորձում է նշել Հայկական հարցի լուծման ուղիները, վերլուծութիւնները կատարելով նրա նկատմամբ Եւրոպայի վերաբերմունքի տեսանկիւնից:

Զհամաճայնուելով այն մտքի հետ, թէ Հայկական հարցը եւրոպական երկրների մարդասիրական քաղաքականութեան արտայայտութիւնն է, Գ. Զոհրապը գրում էր. «Հայկական Հարցը Եւրոպայի առջեւ չի դրուիր որպէս մարդասիրական իննիդր

²⁸ Նոյն տեղում, էջ 207:

²⁹ ԶՈՒՐԱՊ Գ., Հայկական Հարցը, Մարտել, 1913, էջ 31.

մը», այլ այն գուտ քաղաքական խնդիր է եւ ունի հայի կորցրած քաղաքական անկախութիւնը վերականգնելու նպատակը³⁰:

Սարուխանի «Հայկական խնդիրն եւ Ազգային սահմանադրութիւնը Թուրքիայում (1860-1910)» աշխատութիւնը հիմնականում անդրադառնում է արեւմտահայութեան սահմանադրական պայքարին, ապա մանրամասնում են տեղեկութիւններ կապուած Սան Ստեֆանոյի բանակցութիւնների, պայմանագրի, Բեռլինի վեհաժողովի մասին:

Սակայն, հեղինակն անկարող լինելով շրջանցել Հայկական հարցը, իր տեսակէտներն է ներկայացնում խնդրի առնչութեամբ: Թերեւս, դէմ դուրս գալով այն մտայնութեանը, որ արեւմտահայութեան ազատագրութիւնն արեւմտահայերի գործն է, Սարուխանը յայտնում է, թէ այդ գաղափարը չի համապատասխանում իրականութեանը, որովհետեւ «այս շարժման մէջ սկզբից ի վեր այնքան բազմարի ոչ-քրիստոնական եւ մանաւանդ ոռուահպատակ հայեր են մասնակցած, որ...»³¹: Ասել է, արեւմտահայութեան ազատագրութեան հարցը վեր էր ածուել համազգային խնդրի, որի լուծմանն իր բարոյական ու Փիզիկական կարողութիւններն էր ներդնում հայութիւնը:

Մ. Խրիմեանի «արցունիքի լեզուավ» հայ դատը լուծելու պատուիրակութեան անդամ Մ. Զերազը «Թէ ինչ շահեցանք Պերլինի վեհաժողովէն» գրքում յոյս է յայտնում, որ ապագան արձան պէտք է կանգնեցնի Ն. Վարժապետեան պատրիարքի հայրենանուէր գործունէութեան համար, Բեռլինի վեհաժողովի որոշումը կորցնելու կապակցութեամբ եւ աւելացնում, թէ «ազգս ոչ միայն վնաս չը կրեց, այլ մեծապէս շահեցաւ Պերլինի վեհաժողովէն»³²:

Շահ ասուածը, ըստ Մ. Զերազի, 61-րդ յօդուածն էր, որի իրագործմանը պէտք է հսկի նաեւ Անդլիան, որի «կարեւորութիւնն անսահման է»: Եւ, հայրենակիցներին համոզում, թէ կարելի է Թուրքիայից աւելի ընդարձակ բարենորոգումներ պահնջել: Երեւակայութեան արդիւնք այս նորամուծութիւնը արդիւնքն էր պատմական իրադարձութիւնների, անդլիոյ - ոռուսա-

³⁰ Նոյն տեղում, էջ 9:

³¹ ՍՍ.ՌՈՒԽԱՆ, Հայկական խնդիրը եւ ազգային սահմանադրութիւնը Թուրքիայում (1860-1910), Թիֆլիս 1912, էջ բ - գ:

³² ԶԵՐՍ.Զ Մ., Թէ ինչ շահեցանք Պերլինի վեհաժողովէն, Պոլիս, 1878, էջ 7, 8:

կան ապագայ հակամարտութիւնների: Գտնում է, որ դրանից հայութիւնը օգուտ է քաղելու, որ «Պերլինի Վեհաժողովն մի ոսկեհանք շահեցամբ. մեզ անկ է խիզախն եւ հանել ոսկին»³³:

Ժամանակակից գործիչներից շատերի նման Մ. Զերազը խանդավառուած էր, որ վերջապէս Հայկական հարցը քննարկուեց եւ արժանացաւ միջազգային ճանաչման:

Ապագայ իրադարձութիւնները ստիպեցին Մ. Զերազին ու նրա համախոհներին մտածել նոր գնահատականների մասին: «Հայաստան եւ Խոսական» գրքում հայրենասէր գործիչը ցաւով արձանագրում է, որ Եւրոպան չի ճանաչում հայութեանը, որ «Յոյս չը դնեմք օտարին վրայ»³⁴:

-Հայաստան կ'ուզէ նար, Անգլիան կու տայ նառ,- եզրափակում էր Մ. Զերազը եւ հայրենիքի ազատագրութեան յոյսը կապում հայ ժողովրդի հաւաքական ուժի հետ³⁵:

Առաջին աշխարհամարտը, Հայոց Մեծ ցեղասպանութիւնը, Հայկական հարցի գնահատման ու վերլուծման նոր պահանջներ առաջադրեցին: Իրենց խորը, գիտական մշակմանն էին սպասում 1914-1918թթ. իրադարձութիւնները, կամաւորական շարժումը, երիտթուրքական վարչակարգի մարդկութեան նկատմամբ իրականացրած ոճրագործութիւնը, ուսւական ցարիզմի, ժամանակաւոր կառավարութեան, բոլշևիկեան իշխանութիւնների վարած հակահայկական քաղաքականութիւնը, Հայաստանի բռնի խորհրդայնացումը, համայնատիրական վարչակարգի տարիներին Հայկական հարցի նկատմամբ հալածական վերաբերմունքի պատճառները, սփիւրքահայութեան հերոսական, հայրենանուէր գործունէութիւնը Հայ Դատն ու Պահանջատիրութիւնը միջազգային բարձր ատեաններ հանելու ջանքերը, դրանց արդիւնքների հանրահռչակումը:

Համայնատիրական վարչակարգի տարիներին ստեղծուած աշխատութիւնները թէեւ ցլու էին տիրող գաղափարախօսութեանը, սակայն հաղէս եկան համարձակ ուսումնասիրողներ, որոնք պատուելով մոռացութեան քօղը, արթնացրին ժողովրդի ազգային մտածողութիւնը, նախապատրաստուելով 60-ական-

³³ Նոյն տեղում, էջ 19-21, 23, 29:

³⁴ Զերազ Մ., Հայաստան եւ Խոսական, Պոլիս, 1879, էջ 12-13, 22:

³⁵ Նոյն տեղում, էջ 22:

ների ազգային զարթօնքը: Մ. Ներսիսեանի, Զ. Կիրակոսեանի, Ա. Եսայեանի, սփիւռքահայ պատմաբանների, հասարակական, քաղաքական գործիչների, կազմակերպութիւնների ջանքերով ժողովրդին մատուցուեց ոչ հեռաւոր անցեալի ճշմարիտ պատմութիւնը, ինչը դրական լիցք հաղորդեց ազգային գաղափարախօսութեան վերածննդի գործին: 1915-2004թթ. գրուած աշխատութիւնները նախորդ շրջանում գրուած ուսումնասիրութիւնների նկատմամբ ունեն նաեւ որակական տարբերութիւն են բերւում Հայկական հարցի, Հայոց Մեծ եղեռնի հետ կապուած անժխտելի վկայութիւններ, որոնք միջազգային հանրութեանը աւելի են մօտեցնում ճշմարտութեանը:

Սփիւռքահայ ուսումնասիրող Ա. Փափազեանը Հայկական հարցի ժամանակագրութիւնը թէեւ սկսում է 19-րդ դարի 70-ական թուականներից, սակայն յայտնում է նաև, որ Հարցի արծարծումը գոյութիւն է ունեցել աւելի վաղ, հանդիսանալով Արեւելեան հարցի բաղկացուցիչ մասը³⁶:

Գրեթէ նոյն կարծիքին է Ս. Բիւրատը: Նա այդ առթիւ գտնում է, որ Արեւելեան հարցը ծագել է այն ժամանակ, երբ թուրքերը ներխուժեցին Եւրոպա (1355թ.): Ապա, իր տեսակէտն աւելի հիմնաւորելու համար, աւելացնում է. «Հայկական հարցի ծագումը պէտք է փնտուենք Ռուբենեան երեք դարեան Հարստուրեան վերջին վեհապետին՝ Լեւոն Լուսինեանի՝ նախ Մատրիտի, յետոյ Լուսոնի եւ ի վերջոյ Բարիգի արքունիքները դեգնրումներուն մէց»³⁷:

Սփիւռքահայ յայտնի պատմաբան Գ. Ահարոնեանը «Ի՞նչ է սակայն «հայկական հարցը» կամ «հայ դատը», ե՞րբ ծնաւ ան, ի՞նչ փուլերէ անցաւ» իր իսկ հարցադրմանը պատասխանում է. «Առանց մանրամասնութեանց մէջ մտնելու, պէտք է նշել, թէ «հայկական հարցը» ծնունդ առաւ այն օրը՝ երբ կորսնցուցինք մեր ազատութիւնը, մեր պետական անկախ կեանքը: Եւ այդ դժբախտութիւնը Հայաստանի հողամասին վրայ վերջին անգամ պատահեցաւ 1236 թուականին՝ երբ մոնղոլ հորդաները շնչեցին Զաքարեան իշխանապետութիւնը եւ հաստատեցին

³⁶ ՓԱՓԱԶԵՍՆ Ա., ժամանակագրութիւն Հայկական հարցի եւ Մեծ եղեռնի, Երեւան, 2000, էջ 3:

³⁷ ԲԻՒՐԱՏ Ս., Արեւելեան խնդիր եւ Հայկական Հարց, Պոլիս, 1919, էջ 6, 20:

իրենց կործանիչ տիրապետութիւնը: Մէկ ու կէս դար ետք, 1375 թուականին, նման դժբախոսութիւն արձանագրուեցաւ Կիլիկիոյ մէջ, երբ մեմլումները գրաւեցին Սիսը և զնշեցին հայկական անկախ թագաւորութիւնը: Այդ շրջաններուն էր, ուրեմն, որ ծագեցաւ մեր հարցը»³⁸:

Ասել է, Գ. Ահարոննեանը Հայկական հարցի ծագումը տեղափոխում է 13-րդ դար՝ անուշաղրութեան մատնելով իր իսկ սահմանումը, որ Հայկական հարցը ծագել է այն ժամանակ, երբ հայութիւնը կորցրեց «պետական անկախ կեանքը»: Ինչպէս յայտնի է, «Հայաստանի հողամասին վրայ» նմանատիպ դժբախտութիւններ տեղի են ունեցել յաճախակի եւ, եթէ պետականութեան կորուստն ենք ընդունում Հայկական հարցի ծագման սկիզբ, ապա այն պէտք է տեղափոխենք առնուազն 5-րդ դար (428թ.), երբ կործանուեց Արշակունիների հարստութիւնը: Այս-տեղից էլ, վերոյիշեալ եւ նման բովանդակութեան մի շարք այլ դիտարկումները հեռու են մնում պատմական ճշմարտութիւնից, որովհետեւ, եթէ Հայկական հարցը հայ ժողովրդի պայքարն է անկախութեան եւ պետականութեան վերահաստատման համար, ապա այդ գործընթացն սկզբնաւորուել է հայ ժողովրդի կազմաւորման հետ միաժամանակ եւ ուղեկցել նրան իր բազմադարեայ պատմութեան ընթացքում: Պատմաբանների մի մեծ խումբ էլ Հայկական հարցի ծագումը կապում է 1878 թ. Սան Ստեֆանոյի պայմանագրի հետ: Վ. Պարսամեանը «Հայկական հարցի զարգացման պատմական ուղիները մինչեւ Բեռլինի կոնգրեսը» յօդուածում³⁹ եւ առաւել հիմնաւոր՝ Հայ ժողովրդի պատմութեան Բուհական դասագրքում, գրում էր. «Հայկական հարցը, որպէս միջազգային դիւանագիտութեան հարց, ծագել է 1877-1878թթ. ուսւս-քուրքական պատերազմից յետոյ եւ սերտօրէն կապուած էր Արեւելեան հարցի հետ: Հայկական հարցն առաջին անգամ իր արտայայտութիւնն է գտնել 1878թ. փետրուարի 19-ին (մարտի 3-ին) Ռուսաստանի եւ Թուրքիայի միջեւ Սան-ստեփանոյում կնքուած հաշտութեան պայմանագրում: Ուստի նիշտ չեն այն հեղինակները, որոնք հայկական հարցի ծագումը կապում

³⁸ ԱՀԱՐՈՆՆԵԱՆ Գ., Մնծ երազին համբում վրայ, Լու Ասճելես, 1986, էջ 8:

³⁹ Պատմագիտական աշխատութիւններ, Երեւան, 1985:

են հայ ժողովրդի ծագման կամ միջին դարերի ազատագրական պայքարի հետ»⁴⁰:

Բազմավաստակ պատմաբանը, սակայն, իրաւացի չէ, երբ պնդում է, թէ Հայկական հարցը միջազգային ճանաչման է հասել 1878թ. Սան Ստեֆանոյի պայմանագրով, որովհետեւ մինչ այդ, 1813 թ. Գիւլիստանում կնքուած ռուս-պարսկական պայմանագրով արդէն Հայկական հարցը ճանաչուել էր որպէս միջազգային հարց, չէ՝ որ Պարսկաստանը եւս միջազգային սուբյեկտ էր, եւ կնքուած պայմանագիրը շօշափում էր նաեւ հայկական տարածքների խնդիրը:

Հայկական հարցի բնորոշմանը, ծագմանն ու ընթացքի մասին առանձնյատուկ վերլուծութիւն է կատարում ակադեմիկոս Մ. Ներսիսեանը. Բեռլինի կոնգրեսին վերապահելով Հայկական հարցի միջազգայնացման իրաւունքը, Մ. Ներսիսեանը Հայկական հարցի ծագումը կապում է Սան Ստեֆանոյի եւ Բեռլինի վեհաժողովի հետ, գրելով. «...այդ դիւանագիտական յարաբերութիւնների եւ բանակցութիւնների ընթացքում էլ Արեւմտեան Հայաստանի ու նրա հայ բնակչութեան վիճակի բարելաւման խնդիրը անուանուեց եւ այնուհետեւ շարունակուեց կոչուել ՀԱՅԿԱԿԱՆ ՀԱՐՑ՝ Հայաստանի նոր պատմութեան կարեւոր եւ ժողովրդի լայն խաւերին յուզող խնդիրներից մէկը»⁴¹:

Բերուած յղումից պէտք է կարծել, որ Սան Ստեֆանոյի, մինչ այդ կայացած Գիւլիստանի, Թուրքմէնչայի, Աղրիանապոլի, Փարիզի պայմանագրերը, որոնք նոյնպէս շօշափում էին «Արեւմտեան Հայաստանի ու նրա հայ բնակչութեան վիճակի բարելաւման խնդիրը», պաշտօնական դիւանագիտական բանակցութիւններ չէին, առաւել եւս Փարիզի բանակցութիւնները, որոնց նոնյակս, բացի Ռուսաստանից եւ Թուրքիայից, մասնակցում էին Անգլիան, Ֆրանսիան, Սարդինական թագաւորութիւնը:

Ցիշեալ բոլոր պայմանագրերը պաշտօնական էին, եւ կարելի է դրանց հետ կապել Հայկական հարցի ծագումը: Աւելին, Մ. Ներսիսեանը թերի սահմանում է տալիս նաեւ Հայկական հարցին՝ այն դիտելով լոկ «Արեւմտեան Հայաստանի ու նրա հայ բնակչութեան վիճակի բարելաւման խնդիր»: Այդ դէպում, մեծ

⁴⁰ Հայ ժողովրդի պատմութիւն, հ. 3, Երեւան, 1967, էջ 295.

⁴¹ Հայ ժողովրդի պատմութիւն, Երեւան, 1972, էջ 369:

յաղողութեամբ խնդիրը կարելի է անուանել ԱՐԵՒՄՏԱՀԱՅՈՒԹԵԱՆ հարց՝ Հայկական հարցը զրկելով համահայկական, համագդային բովանդակութիւնից:

Հայկական հարցի ծագման առթիւ իր տեսակէտներում Զ. Կիրակոսեանը նոյաշն համակարծիք է, որ Հայկական հարցը ծագել է 1877-1878 թթ. ռուս-թուրքական պատերազմից յետոյ. «Ասպարէզ է իշել (Հայկական հարցը-Յ.Զ.) եւ Արեւելեան հարցի բաղկացուցիչ մաս է դարձել 19-րդ դարի 70-ական թթ. 1877-1878-ի ռուս-թուրքական պատերազմից յետոյ»⁴²: Կամ «Այս պահից սկըսած (յիշեալ պատերազմին յաջորդած դիւանագիտական պայքարից յետոյ-Յ.Զ.), հայկական հարցը վերածուեց միջազգային ժաղաքական հարցի եւ դիւանագիտութեան պատմութեան մէջ մըտաւ որպէս Արեւելեան հարցի մի բաղկացուցիչ մաս»⁴³:

Թէեւ երկու մէջբերումներում հիմնաւորւում է Հայկական հարցի ծնունդը, ասպարէզ գալը, սակայն, յատկապէս վերջին քաղուածքում, պարզորոշ նկատելի է, որ խօսքը գնում է լոկ հարցի միջազգայնացման մասին: Աւելին, հանրագիտարանային տարբերակում Զ. Կիրակոսեանն առաւել ընդգծելի է ներկայացնում մեզ հետաքրքրող խնդրի բովանդակութիւնը եւ փաստօրէն սահմանում Հայկական հարցի բովանդակութիւնը. «Հայկական հարց, թուրքական լծից արեւմտահայութեան ազատագրման, հայ ժողովրդի ինքնորոշման ու սեփական պետականութիւն ստեղծելու համար մղուած պայքարի անուանումը դիւանագիտութեան պատմութեան մէջ»⁴⁴:

Ասուածից պէտք է բխեցնել, որ այդ մեծ ու դարերի տարիք ունեցող խնդիրը չէր կարող ծնունդ առնել ու միջազգայնացուէր պատմական մի որոշակի, ընդգծուած ժամանակահատուածում, այլ արդիւնք էր հայ ժողովրդի գոյապայքարի ու սեփական պետութիւնը վերականգնելու համար մղուած մարտերի:

Պրոֆէսոր Ա. Եսայեանը «Հայկական հարցը եւ միջազգային դիւանագիտութիւնը» աշխատութեան մէջ առաւել հանգամանալից է անդրադառնում Հարցի քննութեանը՝ խոստանալով Հնարաւորութիւն ստեղծել «պատկերացում կազմելու հայկա-

⁴² Հայկական Սովետական հանրագիտարան, հ. 6, Երեւան, 1980, էջ 185.

⁴³ Կիրակոսեան Զ., Առաջին համաշխարհային պատերազմը եւ արեւմտահայութիւնը, Երեւան, 1967, էջ 126:

⁴⁴ ՀՍՀ, հ. 6, Երեւան, 1980, էջ 185.

կան հարցի» բովանդակութեան մասին պատմական տարրեր էտապներում»: *Սակայն, «պատմական տարրեր էտապները» թողնելով անորոշութեան մէջ, չբացայացելով Հայկական հարցի էութիւնը, նրա անցած փուլերը, սկզբնաւորումը, ձեւաւորումը, Ա. Եսայեանը աւելացնում է. «Այսուհետեւ (Բեռլինի կոնգրէսից յետոյ - Յ.Զ.) «հայկական հարցը» դադարեց առաջ Օսմանեան կայսրութեան ներքին հարց լինելուց, փոխադրուեց միջազգային քաղաքականութեան ոլորտը, դարձաւ միջազգային իրաւունքի նորմերով կարգաւորուող հարց, Հայաստանն ու հայերը դարձան միջազգային քաղաքականութեան ու միջազգային իրաւունքի օբյեկտ»⁴⁵:*

Սփիւրքահայ հասարակական, քաղաքական, մշակութային ու կուսակցական գործիչ Հ. Տասնապետեանն ընդունելով, որ մինչեւ միջազգային ճանաչում ստանալը գոյութիւն է ունեցել Հայկական հարցը, աւելացնում է. «Թէեւ, «Հայկական հարց» արտայայտութիւնը ժթ. դարու երկրորդ կեսին միայն նույիրականցած է Սան Ստեֆանոյի դաշնագրով անոր ստացած դիւանագիտական նաևաչումի բերումով, բայց իրականութեան մէջ, գէթ հայութեան համար, խնդիրը առկայ էր այն օրեն ի վեր, որ Հայաստանը կը հիւծէր թուրանեան ժողովուրդներու լուծին տակ: Մեծ Հայաստանը ժԱ. դարերու կեսերուն բագրատունիներու անկումէն ասդին, եւ Կիլիկիոյ հայկական քաղաւորութիւնը 1375-էն սկսեալ, կրած էին ինչպէս կ'ըսէ ժանվիեռ Ալեմ, «թուրանական ցեղի բոլոր տեսակներուն դժբնդակ փորձառութիւնը, - սելնութներ, մոնկոլ հորդաներ, օսմանեան թուրքեր»⁴⁶:

Ինչպէս երեւում է յղումից, խօսքը տանելով Հարցի միջազգայնացման մասին, Հ. Տասնապետեանն ընդունելով մինչ այդ նրա գոյութիւնը, Հայկական հարցի ծագումը կապում է 10-11-րդ դարերի հետ, նաեւ Կիլիկիայի հայկական թագաւորութեան (14-րդ դար), աւարտուն տեսքի չբերելով իր եզրակացութիւնը, որից էլ պէտք է կուահել, որ Հարցի ծագման ժամանակը կարելի է ընդունել եւ 11-րդ եւ 14-րդ դարը: Շարունակելով իր վերլու-

⁴⁵ ԵՍԱՅԵՍԱՆ Ա., «Հայկական հարցը» եւ միջազգային դիւանագիտութիւնը, Երեւան, 1965, էջ 8:

⁴⁶ ՏԱ.ՍՆ.Ա.ՊԵՏԵՍԱՆ Հ., Հայկական Հարցը, Բէյրութ, 1975, էջ:

ծութիւնները, Հ. Տասնապետեանը Հայկական հարցի միջազգայնացումը կապում է Խրայէլ Օրու գործունէութեան հետ՝⁴⁷:

«Թախծալի յուշեր» արթնացնող, «հայկական կեամբի վըշտալի» տարեգրութիւնն հանդիսացող Հայկական հարցն իր խորազնին ուսումնասիրութեանն է արժանցրել նշանաւոր պատմաբան եւ բանասէր Ն. Աղոնցը: Նրա «Հայկական հարցի լուծման շուրջ» աշխատութիւնը բաղկացած է երեք՝ «Հայկական հարցը Սեւրում», «Հայկական Հարցի պատմական հիմքը եւ Թուրքիայի անկումը», «Թուրքիայի անդամակառումը» արժէքաշատ բաժիններից:

«Աշխարհագրական, պատմական ու տնտեսական, ինչպէս նաև մի ընդհանուր երմիկական ամրողութիւն» ներկայացնող Հայաստանը հայութեան Հայրենին է, պատմական այն երկիրը, որտեղ ճնաւարուել է հայ ժողովուրդը: Այդ երկրում էլ գտնում է «վիճելի հարց» անուանուող Հայկական հարցը, որի լուծման բանալին պէտք է գտնել նրա բուն պատմութեան մէջ»⁴⁸:

«Պարզ արդարութիւն» անուանելով Հայաստանի անկախութիւնը, Հայերի «իրենց եւ իրենց երկրի տէրը» դառնալու իրաւունքը, Ն. Աղոնցը չի կորցնում հաւատը հարազատ ժողովրդի նկատմամբ եւ համզուած էր, որ, երբ գայ ժամը, Հայաստանը «արիւաններկ իր զաւակների արիւնով» կը նուածի «սեփական նակատագրի տէրը լինելու իր իրաւունքը»⁴⁹:

Հայկական հարցի մասին նկատառումներ ունի Գ. Ղարաջեանը (Արկումեդ): Նկարագրելով 19-րդ դարի 80-ական թուականներին տիրող հասարակական լայն խաւերի վերաբերմունքը, Գ. Ղարաջեանը գրում էր. «80-ական թուականներին ստեղծուել եր երիտասարդ սերնդի շրջաններում մի տեսակ՝ թէկ կարելի է ասել՝ թունդ ազգասիրական մթնոլորտ: Ոչ թէ ոգեւորութիւնն եր միայն տիրել, ոչ թէ շատերի մտահոգութեան առարկայ եր դարձել հայկական խնդիրը եւ տանկահայերի արեւով էին երդում ամէնքը, այլ այդ ժամանակից արդէն ջոկցոկ անհատներ սկսում են սահմանից անցնել-«Երկիր» գնալ,

⁴⁷ Նոյն տեղում, էջ 6:

⁴⁸ ԱԴՐՆՑ Ն., Հայկական հարցի լուծման շուրջ, Երեւան, 1989, էջ 13:

⁴⁹ Նոյն տեղում, էջ 76:

այն աւետեաց երկիրը, որի հետ կապուած էին այնքան յոյսեր ու երազներ»⁵⁰:

Բաժանման խորը անջրպետ ստեղծելով հայութեան երկու հատուածների միջեւ, չկուահելով Հայկական հարցի բուն էութիւնը, նրան զրկելով համահայկական բնոյթից, ազգային գերխնդիր չճանաչելով այն՝ Գ. Ղարաջեանը կեղծ հոգացաւութիւն հանդէս բերելով զգուշացնում էր վաս հետեւանքներից, նպատակ ունենալով ռուսահայ աշխատաւորական մասսաներին ու մտաւորականութեանը դարձնել ռուսական իրադարձութիւնների կցորդը, նրան զրկելով ազգային մտածողութիւննից, յանուն այն գաղափարի յաղթանակի, որը, ինչպէս յետագայում ցոյց տուեց իր դէմքը, աւելի քան կողոպտիչ դարձաւ Հայկական հարցում:

Մ. Սերոբեանը «Հայկական Հարցը եւ անոր փուլերը» գըրքի խոստումնալից առաջաբանում յայտնում է, որ իր նպատակն է «գծել Հայկական հարցին ուղղութիւնը նև մեր սայրափումները, մատնանշել մեր ազգային դիտակետը, եւ անոր կրած յաջորդական փոփոխութիւնները»⁵¹:

Ապա, անցնելով Հայկական հարցի ծագման ժամանակաշրջանի բացայատմանը, աւելացնում է, որ «Կարելի չէ Հայկական Հարցի մասին խօսել առանց ծանօթանալու թուրքերուն եետ»⁵²: Ասել է, Հարցի ծագումը կապում է թուրքական տիրապետութեան հաստատման հետ եւ սահմանում Արեւելեան հարցի ծագումը՝ այն վերագրելով Կ. Պոլսի 1453թ. գրաւման հետ, իսկ «Հայկական Հարցը Ս.րեւելեան Հարցին մէկ մասը կը կազմէ եւ անոր վերջին փուլը գրեթէ»⁵³:

Հեղինակը յստակ հաստատում է, որ Հայկական Հարցը ծնունդն է Արեւելեան Հարցի (15-րդ դար), այնուհետեւ, Մ. Սերոբեանը յայտնում է նոր ձեւակերպում եւ Հայկական հարցի ծնունդը կապում թուրքերի, թաթարների, սելջուկների հալածանքների հետ՝ ապա «անոր պատմական ծագումը հեռու չէ մեր ապրած օրեւէն»⁵⁴ եւ այլն, որոնք խառնաշփոթ լինելուց բացի որեւէ վճռորոշ կարծիք չէին դառնում:

⁵⁰ ՊԱՐՍՋԵԱՆ Գ., Անցեալի յիշողութիւններից, Թիֆլիս, 1918, էջ 11.

⁵¹ ՍԵՐՈԲԵԱՆ Մ., Հայկական հարցը եւ անոր փուլերը, Բէյրութ, 1937, էջ 6:

⁵² Նոյն տեղում, էջ 11:

⁵³ Նոյն տեղում, էջ 21:

⁵⁴ Նոյն տեղում:

Վ. Տէրեանը՝ Նայիրեան երկրի տառապանքների արտայայց տիչը, որ ճակատագրի բերումով կանգնած էր բոլեւիկների նիւթած դաւի մատոյցներում, անկարող էր համակերպուել Հայրենիքի ճակատագրի նկատմամբ ոտնձգութիւնների հետ եւ «Հոգեւոր Հայաստան» յօդուածում փորձում է դրութիւնից դուրս գալու ուղիներ որոնել:

Հայկական հարցը «մեր ազգի մերձակայ պատմութեան» վկայութեամբ դարձել էր ամբողջ հայութեան մտահոգութեան կենտրոնը: Այն իր դժբախտ անցեալով հայութեանը պարզեւել է զոհաբերութիւններ, «ծանր հիասքափութիւնների ու լքումի աղբիւր է եղել մեր ոչ միայն մտաւորականութեան, այլ նաև ժողովրդի ամենալայն խաւերի համար»⁵⁵:

Հայրենիքի ճակատագրի քննութիւնը, Հայկական հարցի լուծման մտահոգութիւնը Վ. Տէրեանին բերում է այն հետեւութեանը, որ հայութեան գերխնդիրը կը լուծուի միայն այն ժամանակ, երբ իրականանայ «հոգեւոր Հայաստանի» գաղափարը: Իսկ ի՞նչ էր հոգեւոր Հայաստան հասկացութիւնը: Վ. Տէրեանն այն անուանում է հիմնաքարը Հայրենիքի ազատագրութեան, գաղափար, որը հանդիսանում է հայութեան համախմբում, կազմակերպում, դժուարին մի գործընթաց, որը պահանջում է տեւական, անդադար, նուիրուած աշխատանք, «ահաւոր զոհաբերում», որն աւելի քանի է, քան «արիւնի զոհաբերումը»⁵⁶:

Մեծանուն պատմաբան Լէոն, հայոց տառապանքների մատենագիրն ու վկան, վերլուծողն ու մեկնաբանը, տէրութիւնների քաղաքականութիւնը համարելով Հայկական հարցը կործանում տանող վճռորոշ լծակ, հիասթափուած հովանաւոր ու հաւատակից յորջործուողներից՝ հակասական տեսակէտներ է ասպարէզ բերում թէ՛ Հայկական հարցի ծագման, թէ՛ բովանդակութեան առումներով:

Այսպէս, եթէ «Հայոց հարցի վաւերագրերը» աշխատութեան մէջ գրում էր, թէ «Հայոց հարցը նոյնքան հին է, որքան հայ ազգը»⁵⁷: Հայկական հարցն անուանելով «ազգային գոյութեան հարց», «ազատագրական տենչանք», «հայ ազգի պատմութիւն», ապա գնահատելով 1862թ. Զէյթունի ապստամբութիւնը, Հայկական հարցի ծագումը կապում է 19-րդ դարի 60-ական թուականների ազատագրական շարժումների բարձրակէտ Զէյթունի

⁵⁵ Տէրեան Վ., Եժ, Երեւան, 1925, հ.4, էջ 213-214:

⁵⁶ Նոյն տեղում, էջ 224, 225, 228:

⁵⁷ Լէ՛ո, Հայոց հարցի վաւերագրերը, Թիֆլիս, 1915, էջ 1:

ապստամբութեան հետ։ Աւելին, անտեսելով նախորդ որակումները՝ «Անցեալից» աշխատութիւնում Հայկական հարցի ծագումը համարում 70-ական թուականների իրադարձութիւնների արդիւնք. «Հայկական Հարցը ծնուել է 1877-1878թթ. ոռւս-քուրքական պատերազմի ժամանակ»⁵⁸:

Տէրութիւնների դաւաճանական քաղաքականութեան զոհն է Հայկական հարցը, «Լոնդոնը լոնդոն էր մնում՝ համաշխարհային գիշատիչ բանկ, իսկ Մուշի դաշտը լկանքների, լացի ու աղետի դասական հայրենիք»⁵⁹:

Հէոյի դառնութիւնը դրանով չէր սահմանափակւում։ Նա ոչ թէ որոնում էր մեղաւորներին, ոչ թէ ամբողջ պատասխանատուութիւնը գցում էր տէրութիւնների վրայ, այլ՝ «...մենք ենք մեղաւորը, մենք մտաւորականներս, գործիչներս, դու, ես եւ բոլորը նրանք։ Մեր ժողովուրդը մեղաւոր չէ։ Այլ մենք, որ այսպէս յիմար եղանք, տգէտ, որ հաւատացինք շահամոլ, դրամատիկական-բուրժուական եւրոպային, որի համար գաղութների ոչխարների կեանքը աւելի արծէք ունին, քան հայերը, քան փոքր նուանուած ազգերը։ Մենք, որ երեխայի պէս հաւատացինք լուսաւոր մարդկութեանը, վաճառուող միջազգային մամուլին-բորենի, շնական դիպլոմատներին...»⁶⁰:

Հայրենիքի գաղափարը, Հայկական հարցը մշտապէս եղել են մեծ բանաստեղծ Աւ. Խաչակեանի ուղեկիցները։ Հայրենիքում, թէ վտարանդի, բանաստեղծը երբեք չի դադարել հարազատ ժողովրդի ճակատագրի մասին հոգալուց։ «Հայրենիքի սուրբ գործը»՝ Հայկական հարցը, դարձել էր բանաստեղծի անսահման նուիրուածութեան կիզակէտը։ Երազներն ու յոյսերը յաջորդում էին իրար, սակայն ոչ մի տեղաշարժ չէր նկատում։ Մեղաւորը, ի հարկէ, հայ ժողովուրդը չէր, մեղաւորը նրանք էին, որոնք «Հայկական ծով արիւնը» դարձրին «շաղախը՝ միացնելու եւրոպացիներին, սերտ կապերով, թիւրքի հետ...»⁶¹։

Եւրոպական, ուսւական ու թուրքական խարդաւանքների մէջ յայտնուած մի բուռ ժողովուրդ օրհասական պայքար մղելու

⁵⁸ ԼիՕ, Անցեալից, Երեւան, 1925, էջ 17.

⁵⁹ Նոյն տեղում, էջ 40:

⁶⁰ ԽՍՀՀԱԿԵԱՆ Ա.Ի., Երկեր, հ. 4, Երեւան, 1959, էջ 50:

⁶¹ ԱԲԱՋԵԱՆ Գ., Աւ. Խահակեան եւ հայոց ողբերգութիւնը, Երեւան, 2001, էջ 293։

ճանապարհին, փրկութեան տարբեր առագաստներ էր փնտրում։ Այդ փնտրութեան շարունակուում էր. «Մեր պապերն են լաւ-վատ մեզ պահել հասցըն մինչեւ 20-րդ դարը 19-րդ դարի վերջը, մենք կործանեցինք մեր ժողովուրդը մեր զանազան օրինատացիաներով...»⁶²:

Դիւանագիտութիւնը համարելով «ամենասրիկայական գործն», նրա գոհ հայ ժողովրդի ցաւակիր բանաստեղծը, նամակներից մէկում, վշտախառն գրում էր «...կարս, իգդիր, նախիջեւան...վերքերն են հոգուս մէջ. Անձն բանդում են թիւրքերը, հօր Ռուսիան մի ցուրտ խօսք չի ասում թիւրքերին. ինձ թուում է, որ Լենինը Ֆրանսիայի, Գերմանիայի, Անգլիայի պէս թուում է մեզ վրայ, իբրեւ թոյլերի վրայ, եւ արիւնարբու էնուէր-քեմալին է ընկերակցում...ես հիասքափուած եմ. եւ վերջապէս Ռուսաստանում այլեւս սօցիալիզմ չկայ, ամէն բան կայ, բայց ոչ սօցիալիզմ. ցաւում եմ, որ սա ցաւ պիտի պատճառէ ֆեզ. ի՞նչ անեմ, ինձ շատ մեծ ցաւ է. վիժեց բօլշևիզմը...», - 1922թ., Վենետիկից Սիմոն Յակոբեանին գրում էր Աւ. Խահակեանը⁶³:

Հայկական հարցի, դրա լուծման ուղիների մասին հետաքրքրական տեսակիտներ է ներկայացնում Ռուբէնը (Մինաս Տէր Մինասեան)՝ «Հայաստան միջցամաքային ուղիներու վրայ» աշխատութեան մէջ։ Մինչ բուն հարցին մօտենալը, հեղինակը միջազգային յարաբերութիւնների ընդհանուր պատկերի վրայ զարգացնում է այն միտքը, որ Հայաստանը գտնուելով միջմայրցամաքային ուղիների վրայ, վեր էր ածուել միջազգային բարդ յարաբերութիւնների թատերաբեմի՝ սկսած իր գոյութեան առաջին օրուանից, երբ կրելով հարեւան հօր տէրութիւնների հարուածները, ի վերջոյ դարձաւ նաեւ «Սիափիրական նամրով» արշաւող քոչուրական ցեղերի ասպատակութիւնների ասպարէզ։ Այնուհետեւ ձեւաւորուեցին Արեւելք, Արեւմուտք շահերը եւ «Եւրոպան կը ճգտի դէայի Արեւելք տարածուելու», իսկ Ասիան «Դէպի Արեւմուտք։ Ինչպէս երկու հակառակ հնասեցներ»⁶⁴:

Ահա այդ խաչմերուկում գտնուող Հայաստանը բգկտւում էր աւարառուական ցեղերի ասպատակութիւններից, «Բայց երբ Պա-

⁶² ԻՍԱՀԱԿԵԱՆ Ա.Ի., Նամակներ, Ժնեւ, 1996, էջ 292.

⁶³ Նոյն տեղում, էջ 74:

⁶⁴ ՌՈՒԲԷՆ, Հայաստանը միջմայրացամաքային ուղիների վրայ, Բէյրութ, 1948, էջ 5.

նիսլամիզմ, Պանթուրիզմ գաղափարները գերակշռող եղան քանի աշխարհագրական ըմբռումները, սահմանները խեղաթիւրուեցան աշխարհակալ միտումներով։ Աւելին, արիւնահեղ մրցակցութիւններ, ոչ միայն Անատոլուի շրջակայ երկրները մնուելութեան դատապարտուեցան, այլեւ եղան պատճառ անոր քայլաման...»⁶⁵:

Այս ժողովրդակործան հակամարտութիւնների մէջ աւելի էր մեծանում Հայաստանի արժէքը, որովհետեւ «Հայաստանը իր բարձրութեամբ Մերձաւոր Արեւելքի առաստաղն է, որուն գմբէքն է Բարձր Հայքը, մայրաքաղաք Երզրումնով, որ կը կեդրոնանայ ինչպէս Արեւմուտքի, նոյնպէս եւ Արեւելքի բոլոր ուղիներու հանգոյցը»⁶⁶:

Ստեղծելով իր տեսութեան հանգրուանը, Ռուբէնը ողբերգութիւններով լի Հայկական հարցը բաժանում է 10 «արարների»՝ տալիս դրանց բնութագրումները, իւրովի մեկնաբանութիւնները։ Դրանք եզրակացութիւններ են, տեսակէտներ, որոնք, թէեւ դիտելով պատմական իրադարձութիւնների տեսանկիւնից, վիճելի են, սակայն իրենցից մեծ հետաքրքրութիւն են ներկայացնում։

Հայ ազատագրական շարժումներին հատորներ է նուիրել եղիշէ աւագ քահանայ Գեղամեանցը։ Ուսումնասիրութիւնը լի է անակնկալ մոքերով ու եզրակացութիւններով, գնահատականներով։ Զարգացնելով իր տեսակէտները՝ է. Գեղամեանցը Հայկական հարցը բաժանում է 7 շրջանների։

Է. Գեղամեանցի հատորաշատ աշխատութիւնն իր ընդունելի եւ անընդունելի տեսակէտներով, եզրակացութիւններով, առատ փաստերով նշանակալի ներդրում է Հայկական հարցին ճանաչողականութիւն բերելու ասպարէզում⁶⁷։

Հայկական հարցի, ազատագրական շարժումների, հասարակական, քաղաքական հոսանքների, կուսակցութիւնների եւ յարակից այլ հարցերի առթիւ քննադատական, մերժողական դիրքորոշումներով առատ են Դ. Անանունու աշխատութիւնները։

⁶⁵ Նոյն տեղում, էջ 39։

⁶⁶ Նոյն տեղում, էջ 40։

⁶⁷ ԳԵՂԱՄԵԱՆ ԵՂ., Հայ ազատագրական շարժումները ԺԹ դարում, Բաքու, 1915, Հայերի ազատագրական շարժումները 20-րդ դարում Հայկական հարցի Կօքերորդ շրջանը, Բաքու, 1916։

Յետադարձ հայեացք գցելով հայոց պատմութեան խորքերը, Դ. Անանունը գտնում է, որ հայ կեանքն այլանդակուեց յատկապէս թուրք-պարսկական պատերազմների շրջանում, որը արգելակիչ դեր խաղաց միասնական ծրագրի մշակման, գաղափարական միակամութեան, Հայկական հարցի լուծման ուղիների որոնման գործում: Բացի այդ, «...մի ազգ դժբախտութիւնը ունենալով կորցնելու իր քաղաքական անկախութիւնը, միեւնյն ժամանակ ստորադասում է իրենից կուլտուրապէս բարձր կամ ցածր նուաճողին»⁶⁸:

Հետեւում է հայութեան՝ «Տէր, պաշտպան ունենալու փափը» եւ այն չգտնելով, վերադարձ է կատարւում դէպի սեփական կարողութիւնները, որտեղ առաջնակարգ դեր էր կատարելու մտաւորականութիւնը: Քննադատական խօսքեր ուղղելով մտաւորականութեանը, Դ. Անանունը նշում է, որ այդ շարժումը թէեւ տուեց «ընտրեալների ողջակիզում», բայց «քաղքենիներից հերոսներ պատրաստել եւ նրանց ոգորումով պայծառ արեւ քանալ հայութեան գլխին» չաջողուեց, որովհետեւ քաղքենին «անշարժ մնաց»: «Սահմանափակութիւնը նրան առաջնորդում էր դէպի մուրացիկ վիճակ» եւ դրա անխուսափելի արդիւնքը՝ «Հայենիքն էլ պիտի մուրացուէր»⁶⁹:

Շարժման անյաջողութիւնը հիմնականում բարդելով մտաւորականութեան վրայ, «սահմանի այն ու այս կողմը» գոտեմարտի ելածների ջանքերը պսակուեցին անյաջողութեան այն պատճառով, որ իմաստութիւնից զուրկ էր քաղքենին, աւելին՝ չէր «վերամկրտուել հայ հոգին»⁷⁰:

Հայուսական յարաբերութիւնների, հայերի ոռւսական կողմնորոշման, հայ-պատագրական շարժումների ուսումնասիրութեանն է նուիրել իր մեծարժէք աշխատութիւնները ակադեմիկոս Աշոտ Յովհաննիսեանը: «Հայերի ոռւսական կողմնորոշման նախապատմութիւնից», «Հայուս օրիենտացիայի ծագման խնդիրը», իսկ մինչ այդ, 1914թ. Միւնխենում տպագրած «Խարայէլ Օրին եւ հայերի ազատագրութեան խնդիրը» գրքում հիմնաւորում է այն տեսակէտը, որ ոռւսական կողմնորոշումն

⁶⁸ ԱՆԱՆՈՒՆ Դ., Ռուսահայերի հասարակական զարգացումը, հ. 1, Բաքու, 1916, էջ 2:

⁶⁹ Նոյն տեղում, հ. 2, էջմիածին, 1922, էջ 246:

⁷⁰ Նոյն տեղում:

ունի դարերի պատմութիւն, սակայն հայ հասարակութեան ոչ բոլոր խաւերն էին բաժանում միմիայն Ռուսաստանին ազատագրութեան յենարան ճանաչելու գաղափարը:

Հայ ազգային գաղափարախօսութիւնը մինչեւ կուռ ուսմունք դառնալը, յաղթահարել է քաղաքական մտքի մի շարք բարդոյթներ, ընծիւղուել դարերի միջով եւ վերածուել ազատագրական գաղափարախօսութեան: Ազգային գաղափարախօսութեան ակունքներն են քննարկում ու վերլուծում մեծանուն պատմաբանի երկհատորանոց «Դրուագներ հայ ազատագրական մտքի պատմութեան» աշխատութիւնը: Առաջին գրքում վերլուծելով հայ ազատագրական լեգենդի սոցիալական միջավայրը՝ Ա. Ցովհաննիսեանն առանձնացրել է հայ իրականութեան տարբեր խաւերի վերաբերմունքը ազատագրական մտքին ու շարժումներին⁷¹:

«Նալբանդեանը եւ նրա ժամանակը» երկհատորանոց աշխատութիւնը, Նալբանդեանագիտութեան հանրագումարը լինելով, առաջին անգամ վեր է հանում այն ժամանակահատուածի առաջնային յատկանիշները, որոնց ազգեցութեան տակ ձեւաւորուեցին Նալբանդեանի փիլիսոփայական, տնտեսագիտական ու հրապարակախօսական գաղափարները: Ընդգծելով Մ. Նալբանդեանի տեղը հայ հասարակական-քաղաքական մտքի պատմութեան մէջ, Ա. Ցովհաննիսեանն աւելի ընդգրկուն է ներկայացնում Մ. Նալբանդեանի դիրքորոշումները հայ ազատագրական շարժումների ու գաղափարախօսութեան նկատմամբ: Քարոզելով ցինուած պայքարի գաղափարը, որպէս ազատագրութեան հասնելու միակ ճանապարհը⁷²:

Հայկական հարցի բաղկացուցիչ մաս ազգային ազատագրական շարժումների ուսումնասիրութեանն են նուիրուած Յ. Անսեանի երեք «Ստեփանոս Սալմաստեցի», «17-րդ դարի ազատագրական շարժումները Արեւմտեան Հայաստանում», «Թուրքական տիրապետութիւնը Հայստանում 17-րդ դարում» աշխատութիւնները:

Առաջինը թէեւ նուիրուած է Ստեփանոս Սալմաստեցի կաթողիկոսի գործունէութեանը, սակայն հեղինակը քննութեան է

⁷¹ ՑՈՎՀԱՆՆԻՍԵԱՆ Ա., Դրուագներ հայ ազատագրական մտքի պատմութեան, Հ. Ա., 1957:

⁷² ՑՈՎՀԱՆՆԻՍԵԱՆ Ա., Նալբանդեանը եւ նրա ժամանակը, գիրք Ա. Բ. Երևան, 1955, 1957:

ենթարկում ժամանակաշրջանի իրաղարձութիւնները եւ այդ պատկերից բխեցնում կաթողիկոսի հայեացքները։ Ընդունելով ակաղեմիկոս Ա. Յովհաննիսեանի այն միտքը, որ նշուած ժամանակահատուածում հայերի ազատագրական ծրագրերը կապուած չէին միմիայն Ռուսաստանի հետ, այլ՝ «Մերձաւոր Արևելքում ժաղաքական նպատակներ հետապնդող եւրոպական պետութիւնների» հետ, թ. Անասեանը այդ փաստը հաստատում է բազմաթիւ օրինակներով, մանրակրկիտ վերլուծում է կաթողիկոսի գործունէութիւնը եւ ընդգծում, թէ թէեւ հայոց հովուապետն իր հապատակութիւնը յայտնեց պապին, սակայն դա վերջնական վճիռ չէր, այլ միջոց Հայկական հարցը բորբոքելու համար եւ երբեք չունեցաւ քաղաքական շարունակութիւն։ Անդրադառնալով «Դաշնաց քուղթ» փաստաթղթին՝ թ. Անասեանն այն միտքն է յայտնում, թէ դրա ծնունդը պէտք է կապել Կիլիկիայի հայկական թագաւորութեան լատինամոլ ուժերի հետ, որակելով որպէս «գրական կեղծիք»⁷³։

Վերլուծելով հետաքրքրութիւն ներկայացնող ժամանակահատուածում Եւրոպա մեկնած հայկական պատուիրակութիւնների, առանձին անհատների ծրագրերը, թ. Անասեանը յանդում է այն կարծիքին, որ դրանք դատապարտուած էին անյաջողութեան, ուրովհետեւ քաղաքական ասպարէզ ոտք դրած հայ գործիչները դեռեւս հասու չէին կանխատեսնելու տէրութիւնների քաղաքականութիւնը եւ փորձում էին նուիրուածութեան ճանապարհով համակրանք հարցի։

Եւրոպացի հեղինակներից Հայկական հարցը առաւել հանգամանալից վերլուծել է Բ. Գեմբարսկին։ Մեծ հայապաշտպանը նախ բացատրում է թէ ի՞նչ է Հայկական հարցը, ճշգրտում նրա բովանդակութիւնը՝ «հող՝ առանց մարդկանց եւ մարդիկ առանց հողի» կամ՝ «Մարդկութիւնը բիրիական Եհովայի նման թուրք ժողովրդին հարց է տալիս։ «Ի՞նչ արեցիր քո Արէլ եղբօրը»⁷⁴։ Այսինքն, պէտք է ենթադրել, որ Բ. Գեմբարսկին Հայկական հարցի ծագումը տանում է պատմութեան խորքերը, իսկ միջազգային հնչեղութիւն ստանալը կապում կարմիր սուլթանի հայկուլ քաղաքականութեան հետ։

⁷³ ԱՆԱՍԵԱՆ Յ., Ստեփանոս Սալմասեցի, Երուսաղէմ, 1981, էջ 57։

⁷⁴ ԳԵՄԲԱՐՍԿԻ Բ., Նամակներ աշխարհին, Երեւան, 1990, էջ 75, 38, 39։

«...իմ հին թուրք ծանօթին» նամակում գրում էր, որ 1915թ. ցեղասպանութիւնը «մարդկային գործունելութեան մէջ առաջին ծրագրուած» աշխատանքի «կազմակերպում» էր «գիտական հիմքի վրայ յենուած, ամբողջ ժողովրդի ոչնչացում»⁷⁵:

Այդ ճանապարհով ոչնչացուեց «երեք միլիոն հայեր, որը կազմում էր ամբողջ ժողովրդի 60 տոկոսը»⁷⁶: Այնուհետեւ, հաշուարկ կատարելով՝ Բ. Գեմբարսկին յայտնում է, որ «1915-1920թթ. երեք միլիոն սպանուածները 40 տարուայ ընթացքում կը դառնային վեց միլիոն չծնուածներ»⁷⁷: Քննադատելով այն միտքը, թէ կատարուածը, ինչպէս որակում էին թուրքական իշխանութիւնները՝ ապստամբ հայերի նկատմամբ գործողութիւններ են եղել, Բ. Գեմբարսկին մերժում է այդ անհիմն վարկածը եւ պնդում, որ ցեղասպանութիւնը իրականացրում էր կայսրութեան ողջ տարածքում, պետականօրէն:

Այնուհետեւ, անդրադառնալով Հայկական հարցի դիւանագիտական ասպարէզին, Բ. Գեմբարսկին ընդգծում է, որ չնայած «շահագրգիռ» մօտեցումներին, այնուամենայնիւ լուծումներ չեն գրանցուել, եւ մի ամբողջ ժողովուրդ զրկուել է իր Հայրենիքում ապրելու հնարաւորութիւնից, որ թուրքերի զաւթած տարածքը հայութեան Հայրենիքն է եղել «դեռևս այն ժամանակ, երբ աշխարհիս երեսին չկային ոչ անգլիացիներ, ոչ ֆրանսիացիներ, ոչ լիեներ, ոչ ռուսներ եւ ոչ նոյնիսկ հռոմեացիներ...»⁷⁸:

Օտար հեղինակներից, Հայկական հարցին մասնաւորապէս եւ Հայոց Մեծ եղեռնին յատկապէս, աշխատութիւններ ու յուշեր են նույիրել Ա. Ռեփիկը, Հ. Բարբին, Զ. Բրայսը, Վ. Բրիւսովը, Հ. Աղամս Գիբսոնը, Տ. Լենկը, Ռ. Պինոնը, Ֆ. Նանսենը, Մելլուան Զադէ Ռիֆաթը, Ֆ. Վերֆելը, Ֆայել էլ Հուսէյնը, Մ. Եակոբսոնը, Մանդելտամը, Մ. Ամֆիտիատրովը, Էդ. Բեռմշտայնը, Պ. Ռորհբախը, Գ. Ֆիրբիւսերը, Ա. Վէգները, Ի. Ռայնին, Է. Գրանտը, Բ. Բորեանը, Յ. Աղբաշեանը, Ա. Օհանջանեանը եւ բազմաթիւ սփիւռքահայ եւ օտարազգի այլ հեղինակներ:

Ստեղծուած մեծածաւալ գրականութիւնը, սակայն, անկարելի համարելով ենթարկել առանձին-առանձին վերլուծութեան,

⁷⁵ Նոյն տեղում, էջ 7:

⁷⁶ Նոյն տեղում:

⁷⁷ Նոյն տեղում, էջ 8:

⁷⁸ Նոյն տեղում, էջ 120:

նշենք, որ նրանց գերակշռող մասը անդրադառնում են եւրոպական տէրութիւնների ու Ռուսաստանի կրաւորական, հանդուրժողական, խրախուսական քաղաքականութեան բացայալտմանն ու քննադատութեանը, որոնք էլ հիմք հանդիսացան «մեծ մարդապան» սուլթան Համիդի ու նրա գործի շարունակող երիտթուրքական ոճրագործ վարչակարգի համար իրականացնելու Հայկական հարցը լուծելու իրենց դիւային ծրագիրը:

Հրապարակի վրայ գտնուող եւ գիտական շրջանառութիւն մտած այդ մեծաքանակ գրականութիւնը գժեախտաբար վերլուծելու հասրաւորութիւն չի տալիս յօդուածի զրջանակները, ուստի առանձնացրել ու օգտագործել ենք առաւել դիպուկ մեկնաբանութիւններով աշխատութիւնները, որոնք, մեր կարծիքով, ուշադրութեան արժանի տեղեկութիւններ ու գնահատականներ են պարունակում հետաքրքրութիւն ներկայացնող հարցի վերաբերեալ:

Հայ ժողովրդի մեծ բարեկամ Հ. Լեփսիուսը կեանքի նպատակներից մէկը դարձրեց Հայ ժողովրդի շահերի պաշտպանութիւնը, անզիջում պայքար ծաւալեց թէ՛ Գերմանիայի, թէ՛ Եւրոպական միւս տէրութիւնների խաբկանքների նկատմամբ⁷⁹:

Հայկական հարցի, Հայ-թուրքական յարաբերութիւնների, թուրքական վտանգի, պանթուրքիզմի գաղափարախօսութեան եւ այլ յարակից հարցերի առանձնայատուկ մեկնաբանութիւնների ժողովածու է Շ. Նաթալիի «Թուրքերը եւ Մենք» գիրքը⁸⁰:

«Հայ վշտի ու պայքարի երգիչ» էին անուանում նրան, ի վերուստ գրողի առաքելութիւն ստացած Ա. Ահարոնեանին, որը Հայրենիքի պահանջով դարձաւ հարազատ ժողովրդի շահերի պաշտպանը:

1907թ. սկսւում է Ա. Ահարոնեանի դիւանագիտական գործունչութիւնը: Խրիմեան Հայրիկի յանձնարարութեամբ նա ընդգրկուում է Հոլանդիայի Լա Հէյ քաղաք մեկնող պատուիրակութեան մէջ, որը մտադրութիւն ունէր այնտեղ գումարուելիք խաղաղութեան համաժողով ներկայացնել Հայկական հարցը եւ օժանդակութիւնը յաջողութիւն չի ունենում:

⁷⁹ ՀԱՅՈՒԽԻՆԻ Ա., Յովհաննես Լեփսիուսի առաքելութիւնը, Երեւան, 2002,

էջ 247:

⁸⁰ ՆԱԹԱԼԻ Շ., Թուրքերը եւ մենք, Երեւան, 1992:

Ականատես ու մասնակիցը լինելով ցարիզմի ու սուլթանիզմի հակահայկական քաղաքականութեան ու նրանց դէմ միջոցառումների իրականացման, Ա. Ահարոնեանի համար գաղտնիք չի մնում, որ երկու բռնակալներն էլ, միասնաբար, ձգտում են ասպարէզից վերացնել այնքան անհանգստութիւն պատճառող Հայկական հարցը:

Ժամանակները փոխւում են, սակայն Հայոց նկատմամբ պատմութիւնը կրկնուում է, «տանջուած նամբրորդը» շարունակուում է իր երթը, ձգտում սեփական ուժերով լուծել իր գերխնդիրը, բայց՝ «Հազար ձեռներ կան հոգուդ հսկայ քոյշքը սանձելու, հազար նիրաններ՝ ազատութեան բո վարդագոյն երազները բըզքընելու»⁸¹: Եւ այդքանից յետոյ, զարմանալի է, անհաւատալի, որ միայնակ պայքարելով ոսոխների դէմ, հայութիւնը երբեք, կարծես, չի ընկճւում եւ նպատակամղուած գնում է դէպի իր Հարցի լուծումը:

1919թ. յունուարին, որպէս Հայաստանի Հանրապետութեան պատուիրակութեան ղեկավար, Ա. Ահարոնեանը մեկնեց Փարիզ, որպէսզի այնտեղ պաշտպանի Հայկական հարցը, որպէսզի հնարաւոր լինի քոչուորական լաւայի տակից սուրս բերել հայութեան պատմական Հայրենիքի գոնէ մի մասը: Յոյսեր էին սըրանք, յոյսեր, որոնք իրականութեան վերածելու համար Ա. Ահարոնեանը բազում հանդիպումներ ունեցաւ տէրութիւնների պատախանատունների հետ, յուսալքուեց ու ոգեւորուեց, երազեց ու տառապեց, արցունքները թանաք դարձրած գրեց, գրեց ու սոսկաց ամբողջ ճշմարտութիւնը պատմել իր ժողովրդին՝ «Երանի նրանց, որոնք չգիտեն այն՝ ինչ եւ գիտեմ»⁸²:

Գաղտնիքները շատ են: Դրանք կարմիր բռնատիրութիւնը թաքցնում էր հայութիւնից, բայց մոռանում, որ Ա. Ահարոնեանի ոսկէ գըիչը որպէս պատգամ իր ժողովրդին է թողել պատմական ճշմարտութիւն, ճշմարտութիւն, ոչ թէ վհատուելու, այլ պատմութիւնից դասեր առնելու համար: Այդպիսի պատգամների խոտացումն է «Սարդարապատից մինչեւ Սեւր եւ Լոզան» գիրքը: Այն Հայկական հարցի 1919-1927թթ. տարեգրութիւնն է, միջազգային ասպարէզում մղուած դիւանագիտական պայքարի հանրագումարը⁸³:

⁸¹ ԱՀԱՐՈՆԵԱՆ Ա., Ազատութեան նախապարհին, Վենետիկ, 1996, էջ 94:

⁸² ԱՀԱՐՈՆԵԱՆ Ա., Ահազանք, Երեւան, 1993, էջ 5:

⁸³ ԱՀԱՐՈՆԵԱՆ Ա., Սարդարապատից մինչեւ Սեւր եւ Լոզան, Երեւան 2003:

Հայրենիքի գաղափարը Ե. Զարենցի համար դարձաւ «կապուտաչեայ Հայրենիք», որոնումների մի հսկայ դաշտ, որտեղ իրար էին միախառնում դարաւոր դառն անցեալն ու ողբերգական ներկան: Ե. Զարենց բանաստեղծը իր սերնդակիցներից շատերի նման զգաց այն դաւը, որով մեծ տէրութիւններն ու Ռուսաստանը իրականացնում են հայութեան նկամամբ ու հիասթափուած հեռացաւ կամաւորական խմբից: Բայց այդ քայլը չազատեց նրան իր երազած Հայրենիքը վնարելուց, նա մերժում էր արիւնլուայ Հայրենիքի գաղափարը, բանաստեղծը տեսնում էր այն չարագործութիւնների հետեւանքները, որով աշխարհի եղեսից հեռացնում էր իր հինաւուրց ժողովուրդը: Մակայն յոյսը չէր մեռնում եւ Ե. Զարենցը սպասում էր՝ «Դու մի գիշեր պիտի իշնե՞ս, պիտի գաս:»

«Որք, արնաքամ ու աւերակ» Հայրենիքի գլխին նոր վըտանգ էր կախուում: Մեծերի թողտուութեամբ, դարաւոր թշնամին 1918թ. նոր յարձակում էր նախաձեռնել, հայոց վիշտը կըրկնապատկում էր, Հայրենիքի սիրոյ գերի բանաստեղծը անկարող էր չարձագանքել վտանգին եւ ծնուեց «Մահուան տեսիլը»: Աչքերը յառած անցեալին, «ապագայի նժոյգը նստած» Ե. Զարենցը կերտեց «Դանքէականը», Հայոց վշտի ու մորմոքի կոթողը: Ու, թէեւ, տուրք տալով զգացմունքներին Ե. Զարենցը երբեմն ծաղրի ու անարգանքի է ենթարկում ժամանակի գործիչներին, սակայն դրանք արդինքը լինելով Հայրենիքի նկատմամբ տածած անսահման սիրոյ, բանաստեղծը մոռանում էր, որ Հայոց ողբերգութիւնը ոչ թէ ներսի ուժերի, այլ դրսի դաւադիր քաղաքականութեան արդիւնքն են:

ՀՀ ԳԱԱ ակադեմիկոս Վ. Միքայէլեանի «Հայկական Հարցը եւ հայերի ցեղասպանութիւնը Թուրքիայում (1913-1919)» Երեւան, 1995, ուսւուրեն, «Հայոց ցեղասպանութիւնը գերմանացի դիւնագէտների հաղորդագրութիւններում», Երեւան, 1995, «Գերմանացի դիւնագէտները հայոց ինքնապաշտպանական մարտերի մասին», Երեւան, 1997, Գ. Ֆիրբիւսերի՝ «Հայաստան 1915» գրքի առաջաբանը, Երեւան, 1991, աշխատութիւնները նոր լոյս են սփոռում 20-րդ դարի մեծագոյն յանցագործութեան բացայատման ու հիմնաւորման խնդրում, ընդգծում Գերմանիայի մեղակցութիւնն ու այդ ահաւոր մարդակերութեան գործում:

-Մենք համոզուած ենք, որ ժողովածուում տեղ գտած փաստաթղթերն ու նիւթերը կը համոզեն անկողմնակալ ընթերցողին եւ ուսումնասիրողներին այն ահաւոր նշմարտու-

թեան մէջ, որ երիտրուրքերի պանթուրքիստական ժաղաքականութեան արդիւնքում ոչնչացուեց մի ամրող ժողովուրդ՝ արեւմտահայութիւնը, իսկ նրանց հայրենիքը՝ Արեւմտեան Հայստանը 9/10 մասը վերածուեց աւերակների, - գրում է Վ. Միքայէլեանը⁸⁴:

Կատարելով պատմական անդրադարձ, հեղինակը ապացուցում է, որ հայերի ցեղասպանութիւնը չպէտք է դիտել որպէս 1915թ. ողբերգական իրադարձութիւններ, այլ դրա արմատները խրուած են խորը անցեալի մէջ եւ 1915-1922թթ. կիզակէտն էր հայութեանը ոչնչացնելու քաղաքականութեան: Պանթուրքիզմը առաջին հարուածը հասցրեց արեւմտահայութեանը այն պարզ պատճառով, որ հայերը օսմանացման քաղաքականութեան ամենաուժեղ դիմադրողներն էին⁸⁵:

ՀՀ ԳԱԱ ակադեմիկոս Լ. Խուրշուդեանը «Հայոց ցեղասպանութեան պատճառները եւ պատմական դասերը», «Հայկական հարցը», Երեւան, 1995, «Հայ ազգային գաղափարախօսութիւնը», Երեւան, 1999, ուսումնասիրութիւններում նորովի է մօտենում խնդրոյ առարկայ հարցին: Առաջին յօդուածում եւ ժողովածուի առաջարանում Լ. Խուրշուդեանը հանդամանալից ներկայացնում է Հայոց ցեղասպանութեան պատճառները եւ յանդում այն հետեւութեանը, որ Հայոց ցեղասպանութեան պատճառները դեռեւս վերացուած չեն՝ «Պանթուրքիզմի խնդիրները մեռում են նոյնը՝ հայկական սեպի վերացումը եւ Մեծ Թուրանի պետութեան ստեղծումը: Պանթուրքիզմը եղել է եւ կայ, դա այն վտանգն է, որի մասին մշտապէս ահազանգում է Հայոց Անլոնի Զանգակատունը»:

Հայոց մարտավարական եւ ռազմավարական ծրագրերի առանցքային խնդիրը պէտք է լինի պանթուրքիզմի վտանգին դիմակայելու համակարգի ստեղծումը»⁸⁶:

«Հայկական հարցը» աշխատութեան հիմնական նպատակը ազգային գերինդրի պատմութեան համառօտ շարադրանքը լինելով հանդերձ, առաջին անգամ գիտականօրէն վերլուծում է լով

⁸⁴ ՄԻՒԲԱՑԷԼԵԱՆ Վ., «Հայկական հարցը և հայերի ցեղասպանութիւնը Թուրքիայում (1913-1919)», Երեւան, 1995, էջ 16:

⁸⁵ Նոյն տեղում:

⁸⁶ Հայոց ցեղասպանութիւն, պատճառներ և դասեր, ժողովածու, Երեւան, 1995, էջ 8, տես՝ Լ. Խուրշուդեանի յօդուածը:

Հայկական հարցը, տրւում է նրա սահմանումը եւ կատարւում է փուլերի բաժանում:

«Աշխատութեան սահմանափակ ծաւալը մեզ հնարաւորութիւն չի տալիս մանրամասն վերլուծելու, պարզաբնելու, բնութագրելու Հայկական հարցի պատմութեան բոլոր փուլերը, ենթափուլերը եւ, որ ամենակարեւորն է, այդ փուլերի բովանդակութիւնը կազմող բոլոր անհրաժեշտ իրադարձութիւնները», որոնք իր իսկ խոստովանութեամբ վերջնական չի համարում»⁸⁷:

Հայրենիք-սփիւռք յարաբերութիւններին, հայրենադարձութեանը, սփիւռքի քաղաքական գործունէութեանը, հայրենիքի նկատմամբ պատասխանատութեան, նրա վերաշինութեան խնդիրներին արժէքաւոր ուսումնասիրութիւններ են նուիրել կ. Դալշաքեանն ու Յ. Մելիքսէթեանը: Հայոց ցեղասպանութեան պատմութեան, Հայկական հարցում մեծ տէրութիւնների քաղաքականութեան, ազատագրական շարժումների լուսաբանմանն են նուիրուած Ս. Ստեփանեանի, Է. Սարգսեանի, Կ. Սասունու, Ս. Վրացեանի, Ռ. Սահակեանի, Մ. Կարապետեանի, Լ. Բարսեղեանի, Ս. Զոլեանի, Ա. Համբարեանի, Զ. Ղազարեանի, Ռ. Յովհաննիսեանի աշխատութիւնները:

Թուրք ազգային բուրժուազիայի գաղափարախօսութիւնը եւ թուրք-հայկական յարաբերութիւնները յատուկ ուսումնասիրութեան են ենթարկուել ՀՀ ԳԱԱ ակադեմիկոս Հ. Սիմոնեանի կողմից: Վերլուծելով թուրք ազգային բուրժուազիայի գաղափարախօսութիւնը, Հ. Սիմոնեանը իրաւացիօրէն պնդում է, որ նրա յետադիմական հայեցքների խորացմանը մեծապէս նպաստեցին երիտթուրքերը»⁸⁸:

ՀՀ ԳԱԱ ակադեմիկոս Հ. Աւետիսեանի աշխատութիւնը՝ «Հայկական հարցը 1918թ.» նշուած ժամանակահատուածի ամբողջական նկարագիրը հանդիսանալով, միաժամանակ այդ բախտորոշ մէկ տարուայ մանրակրկիտ վերլուծութիւնն է»⁸⁹:

- Դաշնակից տէրութիւնների չհատուցած պարտիք հայ ժողովրդին չի կորցրել իր պատմական վաղեմութիւնը,- գրում

⁸⁷ ԽՈՒՐՇՈՒԴԵԱՆ Լ, Հայկական հարցը, Երեւան, 1995, էջ 4:

⁸⁸ ՍԻՄՈՆԵԱՆ Հ., Թուրք-հայակական յարաբերութիւնների պատմութիւնից, Երեւան, 1991:

⁸⁹ ԱԻԵՏԻՍԵԱՆ Հ., Հայկական հարցը, 1918թ., Երեւան, 1997:

Է ՀՀ ԳԱԱ ակադեմիկոս Գ. Գալոյեանը «Հայաստանը եւ մեծ տէրութիւնները 1917-1923թթ.» գրքում⁹⁰:

Վերլուծուած սկզբնաղբեւրներն ու գրականութիւնը առատ նիւթ տալով Հայկական հարցի, նրա ծագման եւ յատկապէս միջազգայնացման առթիւ, տեսադաշտից դուրս են թողել նրա ձեւաւորման, պատմական զարգացման հետ կապուած հարցերը։ Ճիշտ է, փորձեր են արուել նաև փուլային բաժանման, պատմա-քննական վերլուծութեան ենթարկել խնդիրը, սակայն հեռու մնալով Հարցի ծագման ակունքներից այդ փորձերը հիմնաւորումներ չեն ստացել եւ մնացել են որպէս սեփական տեսակէտներ։

Այս առումով էլ, շարադրանքի ընթացքում պարտադրուած ենք եղել յաղթահարել բազմաթիւ դժուարութիւններ մեր տեսակէտները հիմնաւորել ենք զուտ պատմական նիւթերի, պատմական օրինաչափութիւնների վրայ, որոնք մէկ անգամ եւս ապացուցում են, որ Հայկական հարցը լինելով Հայոց պատմութեան անքակտելի մասը, սնուում ու զարգացման հնարաւորութիւն էր ստանում նրանից, վերածուելով ազգային գաղափարախօսութեան հիմքի, նրա կենարար երակի։

Ուսումնասիրողներից շատերը կռահելով այս անժխտելի ճշմարտութիւնը, անդրադարձել են ազգային գաղափարախօսութեան բաղկացուցիչ մասեր հանդիսացող Հայրենիք, ազգային, պետական մտածողութիւն հասկացութիւններին, բայց, դժբախտաբար, սահմանափակուել են միայն հպանցիկ բնորոշումներով, յիշատակումներով։

Հայկական հարցի գիտական ուսումնասիրութիւնը այսօրուայ հրատապ, հրամայական պահանջն է, որովհետեւ անմշակթողնելով այն, անտեսում ենք քաղաքական հայագիտութեան անհրաժեշտութիւնը, գործունէութեան ընդարձակ ասպարէզ թողնելով պանթուրքիզմի մարդատեաց գաղափարախօսութեան գոյատեւման համար։

ՅՈՎՀԱՆՆԵՍ ԶԱՏԻԿԵԱՆ

⁹⁰ ԳԱԼՈՅԵԱՆ Գ., Հայաստանը եւ մեծ տէրութիւնները 1917-1923թթ., Երեւան, 1999։

Historiography of the Armenian Question

HOVHANNES ZATIKYAN

(summary)

The Armenian Question has been kept on the shelves of the international diplomacy for many centuries, without receiving its own righteous recognition or solution, but has been subjected to many exploitations.

The Armenian Question created multi-level interest among Armenian linguists and historians; but should also invite non-Armenian historians, politicians and analysts.

This article intends to present valuable view points, so that the reader might have a clear understanding of the complex issues that arises within the Armenian Question.